

說部叢書

第八集
第二十編

西利亞郡主別傳

言情小說

卷下

上海商務印書館發行

西利亞郡主別傳卷下

英國馬支孟德著

閩縣林紓

同譯

仁和魏易

第十五章

祭遇此奇變。則力鎮定其心。問妹氏曰。汝以何時知西里亞之遁。妹曰。吾一知之。即走奉白。爲時尙未久也。此時正爲六句鐘。而吾昨夕與西里亞分手歸寢。在十句鐘前後。不過七句鐘。奸人乘機。卽在此時。余曰。汝昨夕曾否至西里亞所居屋。妹曰。曾少坐。卽出。余時尙未整衣。計整衣再審其底蘊。余著衣卽呼侍者威而森入。問以睡自何時。侍者曰。奴子睡時已一句鐘。余曰。汝曾聞疑駭之事否。曰。未也。奴子睡時。徧矚諸處。凡電鈴所設均完好。余曰。汝往呼司吉瓦子少。待我且立。爾余在百忙中。竟忘余之窗戶皆有電鈴。經威而森之言。始覺。自念勿論何人均不能入。夫必有聲。意西里亞尙在屋中。此時張皇殊無謂也。少須威而森入言司。

吉瓦子。已不見。觀其牀榻。似未歸寢。余大駭。卽令周覽前後窗戶。威而森立出。余料司吉瓦子之行。則西里亞之事。實此奴尸之乃大悔。當時中道託疾逃歸。不加。以屏逐。此吾過也。余衣甫竟。威而森入言。最高之樓窗微開。而不論。余自臨觀。二窗果開。及細審電鈴。則線爲割斷。余語威而森曰。吾將至隔鄰空屋觀狀。汝守前門。請密斯佛羅拉筭後戶。余卽從此窗門中越過隔樓。窗開卽平臺。跨過短垣。卽爲鄰家之樓窗。西里亞軀幹經便。但以一人脅之。即可踰垣而過。樓窗嚴閉。余則碎其玻璃。入手拔其鑰。旣入。初無陳設。臨梯俯聽。幽闐無人。余下樓。逐屋細審。至於地窖。初不見人。因思此特假爲偵我之所。非僑居也。乃啓扉而出。同妹氏入室。妹顏色慘白。問曰。司丹列此何變耶。余曰。綜言之。罪均在我。我罪宜死。妹曰。西里亞又安往。余曰。此正難言。中有可疑者。兩端一爲公使防我成婚。則夜中以人取之。尙有足慮者。則司吉瓦子以計出。西里亞歸其母。妹氏曰。夜中胡由能出。余曰。此焉知者。以理決之。必司吉瓦子得賂預伏戎於吾家。夜中以藥迷憫。肩之而出。

然我必覓取其人加以重罰實則咆怒叫囂亦胡爲者今當以術得之惟無着手之處妹氏曰我請助兄爲之余曰吾惟操得勝算方取助於爾今四顧茫茫汝卽助我又胡爲者妹曰姑與汝晨餐余曰焉能下咽妹不聽已傳諭廚娘矣此時家衆咸悉此變余一一詳究臧獲令勿聲張而臧獲所言咸不中於事情無可得其罅隙蓋以余身最稔西里亞且不知則奴厮輩更不可勿問余荒忽中不得主謀防女爲瘋母所得斃之以劍又將如何於是進退無策又念西里亞剛決之性必拒母命母復狂易其死可操左券余先欲告之捕房防細詢情節無以自解於官中又思往告私家包探飯後遂以車至包探普洛克一一告以源委聽時至沈寂願乃咎余爲晚已而挾其伙伴至余家履勘觀已但曰此尙可報命所可疑之人或可迹詰而得二日之中必以消息奉白余曰若有事者幸告吾妹遂自以車往告公使一以語之一亦覘其動靜是否爲此人所得公使見余尙恭謹願有不悅之狀言曰足下之來得毋悔言前失歟實奉告老夫前此奉訪足下以峻詞報我

老夫已有備禦足下之術矣。余聞言大疑。即曰。公使定策如何。請以下教。公使曰。此焉能奉白。惟此事一舉手間。必應如響。余視公使久。曰。吾今尙有事。告君。君亦知宵來奇變否。公使曰。何者。余曰。公使亦知君夫人及檄豎之子爵。又安在者。公使曰。已告足下。尋之莫得。至今尙然。余曰。大事壞矣。西里亞。昨夕不見。或爲宵人所得。以理決之。必在君夫人僑寓之中。公使大駭。曰。斯亦奇矣。胡以如是之巧。余曰。胡名爲巧。公使曰。老夫晨來。力沮足下。勿過孟浪。而夜中郡主卽隱。似老夫於是中。加以詭謀。究竟此中情迹。能略見示否。余曰。鄙人之來。正復爲是。遂以家中事一一語公使。公使靜聽。無言。聽已。言曰。此事在倫敦中。殊罕覩。然謀陰而膽巨。太妄爲矣。夫以有國之公。承祧之郡主。可以詐劫。取謂能求免。殊刑耶。余曰。是人必不逃於王憲。公使曰。足下決以爲謀。發自君夫人及子爵乎。余曰。然而司吉瓦子必同謀。今日吾家已不見其人。公使曰。斯人行蹤殊詭。前此足下之來。彼卽中道逃歸。今復爾爾。惟此事可以取供詞於司吉瓦子。而又不見。殊可痛惜。余起曰。

然則公使疑我藏人以滅口耶。公使曰：老夫本不敢懷疑。以前此足下提挈郡主東逃而西匿，以此適生老夫之疑。余曰：公使果蓄此心，則彼此永無符合之意。見須知鄙人之來，懇語確也。實告君：今日之來，亦頗懷疑於先生。公使聞而怒曰：使者館中安敢藏盜寶星，當能辨之。余曰：公使非盜，然則鄙人盜耶。公使曰：老夫未敢非議。足下余曰：公使雖未明言，然已腹誹。公使曰：老夫累勸足下，則屢枝其詞。老夫且苦口奉沮，謂卽成事。老夫尙爾有術以格足下，所爲茲正得當。而足下突來言郡主不見，胡能不加疑駭。老夫固不敢斥足下，隱匿郡主，我意實謂旣欲圖娶其人，見事非佳，則他遷以避禍，容亦有之。今足下以爲逆耳，則過不在老夫。固有自取之人，任是咎也。余曰：公使我請以名譽爲誓，適所奉白語語皆誠，果不信者，聽公使所爲。我奉身退矣。公使沈吟語曰：必信足下。實相告：老夫本圖善策，沮君勿娶。今郡主旣爲人得，老夫可勿更言。嗟夫，果如足下之言，郡主落夫人手中，則後來收局正復難料。余曰：當以計取其人。公使曰：尙有何計。若在德國圖之。

尙易。邏騎四合。必無遞匿之所。若貴國者。正自難言。非面覩其事。則皆置諸悠悠。況以此百無頭緒之案。何從下手者。惟茲事足下殊有關係。必足下圖娶之消息。以內奸濟外敵。安得不圖。劫以去。果爲所得。子爵立時成禮。老夫已馳告寡君。君問郡主於老夫。又何詞以對。更問之。足下者。足下之窘。當更甚於老夫。余聞言。則以目視地。莫對。公使曰。此事君已任其難。卽圖取其人。又將何術。足以得當。余突然答曰。取之。公使曰。取之。又以何道。余曰。已密布邏騎。果有端兆。卽疾起取之。公使笑而言曰。人在樓心。夜中扶之。以去。足下尙爾。夢。今天海茫茫。於何覓取。余知更言且無策。因而興辭。臨去言曰。公使亦有術否。公使曰。無之。亦但能罄吾力所能及者。及之。脫郡主。因是陷於不測。亦惟足下是問。蓋敵邑問及老夫。老夫則以足下爲抵。余曰。果使公使早驅子爵回國。亦安有此事。公使亦曰。足下不圖娶郡主。亦安有此變。實告君夫人。素狂易能殺人。幸留意。此語一入。余耳。余尤蒼黃無措。

第十六章

余雖見公使。一無所得。但知事不屬於公使。且聞恫喝之詞。心愈無主。遂以車歸。意包探果有良法。則茲事尙有迹兆可覓。既至。消息渺然而侍者言。司吉瓦子歸矣。余立呼之。至。余厲色問曰。汝安往。司吉瓦子曰。晨來病發。往吸空氣。吾以四句鐘起行。花圃中迨病已始歸。余曰。汝病起良巧。每遇有事。汝病卽發。司吉瓦子尙夷然言曰。病起安知其時。余曰。汝昨夕當未有所聞。實則可勿問。卽問汝亦弗知。司吉瓦子徐曰。奴子未之聞也。余曰。汝亦曾聞有變故否。司吉瓦子曰。歸時人已告我。余曰。此事汝果無知耶。曰。殊未之知。惟中心料及一事。殊以爲疑。余曰。何也。曰。君夫人瘋病發時。卽在郡主之年。余大怒曰。刁奴。汝以奸謀愚我。乃敢公然過歸。以妄語見欺。汝罪我深稔。且靜待刑戮。我往見公使時。汝卽馳報消息。於是夫人子爵之蹤跡遂隱。汝今尙戀吾家引外。奸竄取郡主而去。膽巨如天。仍歸而作妄語。此着敗矣。司吉瓦子曰。主人之言。我一無所知。余曰。我今尙有機倪。示汝果

告我以郡主所在汝尙可逃脫不相逢亦不汝仇果不見答者我自處置爾之法令爾自言言時挺立其前令語司吉瓦子作蠢狀曰我焉知者余大聲曰尙妄語耶曰決不之知余曰君夫人子爵又安在曰都不之知余曰汝前此與之通書及晤面最後果在何時曰卽在甬道中一見無第二面也余曰可卽啓扉令侍者曰汝以威而森來余少待而司吉瓦子自齧其脣厥狀微震似不知余將何以處置其人余亦弗視迨威而森至余曰威而森汝另以一人備於門外司吉瓦子曰寶星將置奴子於何地此事宜祕安可使人知之余曰然則汝當告我以君夫人及子爵安在司吉瓦子仍言弗知余不再問及威而森及一人至余曰汝以車至賚此人至日耳曼公使館中吾尙有書上公使也汝二人切勿中道爲彼逸去必親面公使然後報我果半道中倔强不馴卽以警察縛之遂作書與公使言司吉瓦子已得但搆灸其人必得確耗卽使弗承亦不輕釋當嚴閉之遂遣之行余明知司吉瓦子皆僞言然接之以理必司吉瓦子爲之且門窗電線之斷孰則能之

既脫郡主。則又誰屬。此情可不問而知。余今決計自爲偵探矣。時余所託之包探。渺然不至。正欲行時。包探中有一人至。則張大其言。言是晚有車停於戶後。郡主必趁此車而去。言至隱約。余聞言。知其無實。然尙極鼓勵而心。則滋弗信。計非自行。此輩皆不足恃。余因更往尋覓隔鄰之屋主。仍訪諸銀行。均無迹兆。足詰銀行中人言。既爲證人。後其存儲。卽盡取而去。後乃渺然無聞。余因以電問德國之銀行。回電亦不明其來歷。然則子爵似已懷謖爲此。故隨地皆隱。無名。余更至男爵夫人僑居處。問其主人。主人言。夫人母子。猝得電信。匆匆俶裝而去。余計其行期。卽第一次往謁公使之日。因復至子爵逆旅中。詢之亦然。余乃知經司吉瓦子一言。而鳩類集族遷矣。得得而行。衆皆莫識。但言平日恆束其行。篋以待。去後。初無尺一之書。且行篋盡以市車行。余又至包探處。告以御市車者。或得其迹。所嚮。余既歸。憊極。心中初無希望。妹氏見余喜極。言西里亞有電信。至至可。兩句鐘。吾不待汝已發。其封遂以電上。余書中言。吾甚自如。可勿見訪。仔細而思。我二人婚。

約必無成議。不如以遲爲得。此時亦知傷爾之心。倖善自慰爲望。下書西里亞啓。余初見而駭。既思僞也。因曰。車勿行。吾尙欲出。時威而森已歸。將言司吉瓦子事。余匆匆自出。妹氏泥余曰。汝何事至此。余曰。此時無暇詳言。今且往詢發電者爲何人。歸更與爾言之。余遂飛車至司脫藍街電報局。心中自思果發電者爲西里亞則吾事已矣。然西里亞決不爲此。是必羣奸所爲。計發電時爲午後三點半鐘。電果西里亞所發。則西里亞去時爲午前六點鐘。而三點半鐘始從電局以信絕我。然則此八點鐘仍濡滯倫敦耶。既至以名紙謁局主。余遂以情語之。局主曰。以成規考之。決不能示足下以電書之稿。余曰。吾恐發電者爲假冒之人。此中關係匪輕。故必一詢爲快。局主沈吟久曰。幸示我以電文。遂入。少須引一少年書記出曰。此電卽是人所接。足下何語者。卽語其人。余曰。君憶否。發電之爲何人。書記曰。憶之。他人電文。簡此人特詳書之。久久來人黝黑而頤碩。似武人。操英語且挾德國之音。余聞狀知爲子爵無疑。更以他語問之。乃愈肖其狀。書記曰。吾欲問其居

址。其人愕然不許。吾指章程示之。語無住址。於例不可。其人少思。始書其下。因以目視局主曰。能否言之。局主曰。汝行矣。因語余曰。司丹列寶星。適書記所言。於尊事頗有益否。余曰。承教爲多。疑團已釋。局主曰。以例言之。不能示寶星。以原稿者。能深祕不言。則朋友之情。不妨相示。余大感其言。視其書。萬非西里亞手迹。乃鞠躬致謝。局主遂行。余既知此電爲僞。轉於僞電中。別有神悟。想余論君夫人瘋病事。或爲司吉瓦子所聞。此電之來。亦似癩發。則僉壬之詭謀。可謂工矣。既至。語妹氏。謂發電者爲子爵。西里亞之屬。是人無可疑矣。夜中輾轉。不得一策。公使之謀。包探之術。及余之四出奔馳。爲計皆窮。司吉瓦子至使館。仍倔強不自承。公使不留館中。但以人管約之。隨其所往。五六點鐘間。司吉瓦子竟以術逃去。明日余得一消息。心乃大悅。時羣書積疊中。有一賤包裹。絕嚴筆迹。亦生書。蓋寓自法國海濱。凱來城者。余且驚且懼。啓而讀之。書中別裹二書。書爲男爵夫人女公子加德林所寄。書曰。司丹列寶星足下。果欲展此二書。當立誓不可傷及子爵。尤不能以

書中情節告之他人。果足下不許者。則幸勿展此二書。留而還我。若遽展之。則我即以寶星爲已立誓矣。下書加德林包而根頓首。余不待思索。即展之一爲西利亞。一爲加德林與余者。

第十七章

余略觀大意後。則細讀西利亞書。書曰。吾親愛之司丹列。加德林語我能以術寄書於爾。加德林處我善。乃不審其命意安屬。吾身落敵手。既有親我之人。則不能不加以重視。汝勿念我。我胆力至偉。百無所懼。君夫人語我。吾雖稱吾母不憚人嫁子爵。吾防不測。則虛與委蛇。此爲吾謀。深言之。無論婉勸強逼。吾誓不之許。方吾初入樊網。君夫人幾欲加刃。幸吾以計自脫。氣始略紓。加德林語我此行蓋歸國。吾道行威勉如其言。蓋緩兵之計。留其罅隙。以待汝援。今身在道中。特用一事以自慰。謂爾得書後。必且過至。以我卜之。彼欲有圖。必不敢加以無禮。惟君夫人爆烈異常。決爲瘋病。然能僞諾。以如其意。則吾命亦或可保。惟婚期一定。則我決

不。從。此。際。正。復。難。測。其。生。死。加。德。林。語。我。必。極。力。助。我。敗。此。事。故。在。難。中。亦。倖。有。同。心。之。人。且。言。此。中。事。均。司。吉。瓦。子。一。人。主。之。是。晚。彼。敢。關。縱。男。爵。夫。人。入。戶。以。藥。迷。我。扶。我。登。車。而。去。車。至。君。夫。人。寓。中。不。待。曉。而。發。吾。知。爾。失。我。後。憂。鬱。殊。不。可。堪。然。此。數。日。之。中。必。無。舛。謬。以。我。私。圖。未。至。危。難。時。汝。已。飛。馳。救。我。矣。吾。意。泰。然。惟。汝。幸。勿。誤。西。里。亞。頓。首。加。德。林。書。則。措。詞。殊。別。第。一。語。卽。曰。君。必。如。吾。言。立。誓。矣。君。欲。援。西。里。亞。幸。勿。宣。布。子。爵。之。名。以。窒。其。前。途。吾。今。導。君。來。援。故。予。君。以。西。里。亞。來。書。大。抵。吾。歸。公。國。必。至。子。爵。家。子。爵。家。於。京。畿。本。近。山。中。至。於。後。此。如。何。我。不。之。料。但。至。時。吾。必。寄。書。君。姊。氏。家。君。得。書。卽。行。惟。須。深。祕。防。有。偵。伺。之。人。路。行。不。利。於。君。今。君。夫。人。及。子。爵。意。促。完。姻。事。然。後。再。圖。寶。位。吾。立。誓。必。撓。其。事。特。患。陰。謀。不。測。出。我。所。防。之。外。而。西。里。亞。尙。不。知。其。險。吾。則。力。闕。其。事。不。令。知。之。凡。西。里。亞。之。獲。全。及。公。國。之。不。爭。均。繫。君。一。人。之。來。願。上。帝。佑。君。成。功。而。去。加。德。林。頓。首。余。讀。後。危。甚。閉。目。而。思。西。里。亞。在。彼。瘋。母。之。側。性。命。直。岌。岌。則。憂。極。而。顛。

今第一事宜至公國。然當以術愚伺我之人。則召威而森至。宣告曰。吾已得密司西里亞蹤跡。有人言見密司西里亞在青忒而罕。汝爲我備衣服。可支經月。滌易者。汝亦隨行。以行李至伯定登車站候我。此語勿祕。恆對人示。我行蹤。威而森知旨。領諾而去。吾與姑氏及妹亦言如此。遂以車至公使館。計公使能助余者。則尤善。然事機危迫。以公使之力加之。尙爲非。緩卽使西里亞不能歸。余苟至大公之前。較落諸宵人及瘋婦之手。爲優。余爲西里亞安全之計。竟置婚姻事爲第二。著余見公使。公使怒極。疑余詭祕。至不與余言。但曰。寶星今日若言不就。此婚者。老夫尙可恭聽。若舍此別有所言。則老夫事集。不敢承教。余曰。今日所言。先生或樂聞也。余近已聞郡主消息矣。公使赫然遽易其容。余曰。今亦不復備言。但再窮二三日。或可迹詰而得。公使曰。安在。老夫足以了之。余曰。果懇先生以兩事。則須許我一言。公使不悅曰。未明事之究竟。何爲輕諾。詎非自縛其身。幸坦坦言之勿吝。余曰。然則鄙人前言均非坦乎。公使曰。足下勿曠。至果云坦。坦白。老夫未敢阿好者。

以前此屢詢足下婚期終格格不見告甯云坦歎。今非詰駁之時。果有見教。勿吝珠玉。余曰。適得確耗。知郡主所在。惟消息之來。仍有條約脅之同至。匪特先生宜加參酌。卽鄙人亦已爲此條約所窘。第一節不能罪。及潛取郡主之人。卽子爵亦不能加之以罪。茲事能見允否。公爵大疑曰。足下何爲袒此兇人。余曰。仇也。非我夙心。惟欲救西里亞。不能不從告密者之成約。果使不遵是約。消息亦終不可得。公使曰。是必得從。男爵夫人之女。欲衛其所歡。故爾。老夫深審之矣。余曰。然。公使曰。此來妄也。茲事老夫雖諾。而朝士或否。余曰。然則決不能語。先生矣。公使曰。足下乃聽懷春女子之言。盡壞丈夫。烈性不樸。誠以語朋友。輕其所重。殊爲足下惜之。余曰。鄙人已以名譽爲證。安可失信。公使又手於腰際。立起閒行。言曰。老夫亦何敢墮君大信。惟事屬重要。足下求助於老夫。而復責我以信。非歟。余曰。如先生言。公使曰。但示以端倪。君亦不爲失信。彼此兩全。不亦可乎。且足下無我。功亦匪就。何妨略示以端倪。余笑而不答。少須言曰。以情罪論之。子爵應歸何律。公使

笑曰。足下當知我非全權之人。且與子爵何仇。而必寘之罪籍。惟。句。余曰。何也。公使曰。當審子爵身居何地。若在英國。科罪尙微。譬如歸諸公國。語及此。立止。又曰。彼果無識。居然歸入公國。句。公使之意。蓋欲探余。余木然不爲動。公使不悅曰。茲亦不能強君語我。余曰。先生既不之許。吾亦僅能緘嘿。非我斬君勢在。莫可今不更擾矣。公使曰。然則足下自鼓其精力以前矣。余曰。公使可以助我。乃不之助。則自任其難而已。惟茲事之責。仍在公使。我何有者。公使大怒曰。司丹列寶里。重責在君。老夫又何責。綜言之。均足下冒昧。郡主果有不測。足下則當自剖於人。因握拳抵几。怫然而入。余憫憫而出。亦知告之萬全。惟不欲失信於加德林。則艱鉅仍。以一身任之。

第十八章

余爲計弗深。所定聲東擊西之策。乃坐廢而無用。既至柏定登車站。遇威而森。囑以行李僱車至維多利亞。微語威而森防有偵探之人。彼此宜備。我以車行。汝但

僞爲覓我。覓我無得。則以行。僕赴維多利亞。至於度佛爾石步上。俟我。以今夕赴大陸。幸留意。勿聲。余既登車。作遠行狀。見威而森。僞爲覓我。不得。竟以車自行。余在車站。四顧自念。詎有人迹。我耶。然所接之人。均無詭祕之色。余計乃益定。此車於一點鐘後。在利定中停車。余意在彼間下車。既至車停。余尙未下。至於銅笛聲動。車且發軔。軌動。余始下。四顧有同時下車者。否。竟無一人。自念。卽有偵我者。或不吾測矣。乃更購車票。至第二次車。遂赴度佛爾。沿道而行。且以舟赴大陸。似無人覺。惟思既至後。孤立無助。轉以爲戚。方在舟中徘徊。防有人尾逐。人人過處。余咸蓄疑團。後此自念。卽有其人。亦胡能深辨防之過矣。船至比利時海口。渥司登登岸。余及威而森時刻嚴防。似無一人偵伺。既至電報局外。余乃大愕。余本欲以電示吾姊氏。然入時卽有人自內而出。余夙苦電底。方未付與。而局中人已以電文示余。言曰。誤矣。余知爲誤。以去人爲我也。余曰。此非余所發。何誤之云。局中人急收其電。則電文余已得之。電言司丹列已至歐洲。吾與同行。此電寄倫敦馬

格雷敏暗號也。余無言。但發已電。急出覓其人。然其人方在牆隅候我。一覓即得。余直至其前言曰。來我與若言。彼顏色頓變。僞爲不審英語者。余曰。汝能作英國書。何爲不能作英語。汝以電赴倫敦言我事。汝殆窺察吾隱。請問汝何人。遣汝者。汝趣言之。勿令鄙人用武。彼仍膠膠作異言。如不之審。余曰。汝殆以是間人多不吾告耳。乃力禽之行。謂威而森曰。汝隨我。此先生殆與我同行者。因曰。汝不吾告。終不汝釋。余語時。神色至厲。此人始猶懼言曰。寶星欲我何言。余曰。汝聲矣。問爾竟何人。遣爾者。此人曰。我爲公使館中侍者。余曰。爾有何據。此人出數書於衣囊中。余方知是人爲阿道。而夫瑞士人也在使館中爲舌人。余思此人自公使中來。尙佳。若子爵者。則大梗吾事矣。即問曰。汝適所作電何往。其人曰。寄之倫敦日耳曼使館。余曰。可矣。我覩爾有病而顛。尙宜留此。謂威而森曰。汝守此人。勿令登車。更隨我。余於是登車。見此瑞士人留於車站。矚余展輪而逝。余此時繞道而行。以避公使偵我之人。既至姊家。姊見余良適。惟姊婿素輕余。余亦輕之。彼此仍落落。

余以己事防爲所敗。則僞與周旋。少須。姊氏言曰。汝爲國家之事。來胡以不如期。而至。余曰。姊何爲知之。姊氏曰。宰相愛克司登已訪弟。可二次。故吾方知爾來。夫以相臣之貴。覓爾於吾外氏。有光多矣。余知爲事非佳。則漫應之。姊曰。是必重事。余曰。我亦未知。但覺此來爲莫須有事。姊夫作冷語曰。殆爲吾國儲嗣來也。余僞曰。我焉能僭越。今國中立嗣。又如何者。姊丈曰。爾今問我。若以輿論證之。我尙須問爾也。余仍僞告曰。貴國相臣想亦動於流言。故來見訪。語時聞車聲鑼鑼。至侍者入言。相公欲面寶星司丹列。余曰。克魯登司達消息。乃絕靈通。相國竟知吾至此耶。余目視姊丈。疑其所使。於是隨侍者至客座。面相國。相國短少精悍。衣常服。二目瑩徹。鬚角上翹。既見。卽含笑與余爲禮。曰。司丹列寶星。以分誼論之。爾我均爲世交。尊叔曾仕敝邑。爲勳非少。且聞足下此次之來。亦正爲敝邑之故。日耳曼公使已有電與下官。故冒昧前來承教。余曰。初入國門。卽蒙相國嘉勞。賤子胡克當此。尤蒙貴國公使沿途以人照料。直至於此。余語時。視相國相國不動。但曰。此

特。敵。邑。愛。客。之。微。誠。胡。足。多。者。余。曰。相。公。所。言。公。使。此。着。禮。耶。非。禮。耶。鄙。人。尙。未。分。明。相。國。笑。曰。此。何。足。言。下。官。此。次。之。來。蓋。聞。足。下。於。郡。主。事。知。之。至。稔。故。下。官。匆。匆。至。此。余。曰。相。公。所。得。消。息。胡。自。而。來。相。國。但。曰。此。事。確。否。余。曰。鄙。人。尙。欲。問。相。公。貴。國。苟。得。郡。主。處。之。何。等。鄙。人。始。敢。報。言。相。國。曰。足。下。既。見。貺。敵。邑。矣。所。以。應。言。之。事。胡。不。出。之。坦。坦。果。使。足。下。不。欲。明。示。句。相。國。語。至。此。則。聳。肩。而。笑。余。曰。未。卽。明。示。相。國。又。胡。以。見。處。相。國。曰。果。不。見。示。則。足。下。來。此。似。非。有。利。於。敵。邑。其。事。便。近。於。私。圖。矣。余。曰。何。名。私。圖。相。國。曰。近。聞。足。下。有。婚。姻。之。約。想。茲。事。或。亦。知。不。足。爲。矣。余。曰。相。公。又。何。由。知。鄙。人。卽。無。此。意。相。國。曰。寶。星。司。丹。列。敵。邑。本。主。和。平。然。亦。有。和。平。中。之。畛。域。果。有。人。欲。中。傷。敵。邑。者。敵。邑。亦。萬。不。能。消。融。於。懷。抱。余。曰。相。公。之。意。質。言。之。似。不。能。容。我。相。國。曰。以。理。言。之。久。居。終。非。便。余。曰。鄙。人。不。行。者。如。何。相。國。曰。胡。能。不。行。余。曰。我。決。不。行。相。國。曰。敵。邑。可。請。貴。國。代。表。勸。足。下。之。駕。惟。行。之。亦。滋。不。安。語。已。復。笑。余。曰。似。此。等。外。交。事。滋。痛。快。以。相。公。所。問。事。我。亦。

正不復了。而相公卽有逐客之令。滋可笑也。願此着頗質直。卽鄙人亦萬分謙退。不言之隱。實告相公。茲事我實不明其底細。果覓得朕兆。尙須相公允我二事。一則羈留郡主之人。貴國不能加罪。一則吾二人婚約。能決退與否。聽我自由。貴國亦不能與相國聞言大駭。曰。然則足下仍存此念矣。余曰。然以鄙人與西里亞定情在先。在律不能以不知之故。侵我婚姻自由之權。果貴國能令郡主唾棄吾身。吾萬不敢更言。果使西里亞許嫁鄙人。而君輩靳不吾答。則日月所照之地。未必有此權力也。今茲冒險而來。初非爲貴國來。我自爲情愛來也。立志欲得其人。我分應爾。君以力沮。亦決不汝從。果使爲吾所得。郡主仍守前約。則鄙人成禮無疑矣。余語後。以爲相國必怒。願乃不爾。則伸手與余爲禮。曰。司丹列寶星君真勇者。下官果可助爾者。必助。無卻。惟此事決不能爲下官。亦有息女。甚願得婚如卿也。至郡主之垂青於寶星。識力固偉。然事決無成。成卽致死於君。無所靳惜。寶星且坐。爾我可以仔細商酌。余曰。欲談許時。一一惟君所欲。然易吾志。則萬萬莫得。

第十九章

余及相國議論極長。相國多方挽我。必欲得郡主所在。且求助於我。取郡主歸朝。媚我勸我。匪事不爲。惟此二事。均不余答。余亦決不承應。最後相國遂張其恫喝之。力言曰。足下極力抗我。下官之心。滋戚蓋下官來時。固懷善心。惟足下如是。峻拒我不能不出辣手。足下立時宜出此國門。果見機者。當自行用省敝邑。司寇之力。請自三思。勿詒伊戚。語時伸手與余爲別。余曰。相公時時言政府垂念舊勳。此時忽爾。斬然無情。果有交情。胡以不施之。此時今相國趣行。吾費出而夜入。決不能舍。是弗圖相國曰。正防廝走之量。不能如下官之渾噩無欺也。余曰。鄙人即對貴國紀綱。恐亦不如是之謹愿。相國不悅曰。寶星勢欲偪我用武力乎。余曰。聽相公尊便。於是不歡而散。相國既行。余亦怏怏。余本意欲以國力遏子爵。顧事已中變。吾力又安能至者。然吾尙與相國言。郡主既出。宜還之大公。至婚姻之事。聽其自裁。然相國必欲徯治藏匿郡主之人。吾意本非愛惜子爵。惟吾之干求。彼一

一抗撓不可似視西里亞爲一器械。不齒於人數。余於是始大恨其政府。惟自念以孤客處羣仇之間。獨立無援。爲事愈難。且子爵旣歸。卒徒甚衆。安知不得吾耗。如旣得耗。則立逼西里亞成婚。又將奈何。不如遵相國之意。聲言出都。然後潛入。以詭謀圖取西里亞。爲得策定。尋得政府文牒。立時驅余出此國門。余一笑。視余姊及姊丈。乘姊丈出後。乃以祕事告余姊曰。義當遵此文牒而行。余今攜威而森同出。出後仍遣其歸。防有人以書與我。託老姊轉寄於弟。則姊氏但付威而森。我旋得矣。事宜幽閤。雖夫子勿語也。姊愕然曰。汝竟疑彼。句語未竟。余曰。安敢疑我姊丈。惟此事所關甚鉅。不如暫祕。爲上。是中。大係我之生死。安樂。胡能不慎。姊氏許可。及姊丈入時。余曰。吾行矣。且引彼同至車上。親見余購柏林車票。故令彼歸。而傳語。余車行及半程。卽下。是晚已至克魯登司達。居於下等之逆旅。改余名曰。司丹火迫。亦知加德林之書。瞬息卽至。又知子爵之歸國。必先余一日。在法旣到。必有書。胡以隔日仍未至。明日威而森果以書與我。封皮書姊氏之名。書實發自。

加德林書甚草。似在懊懷之中。言所居村名曰門巴克。去京可十英里。所居室類堡。四面皆有邏騎。吾思如是嚴防。君一人至此。殊無所用。而吾又不欲以多人。至敗子爵之蹤跡。惟婚禮不日告成。吾則以死爭之。果足下能來。則卽來。我爲內應。足以成事。餘無他語。以速爲佳。余讀其書。至再三。驗其字迹。有舒有緊。似心緒無復甯帖。加德林亦知事出難成。然亦無可如何。中方作此想。願余心則惟力是視。不恤其他。惟如此長途。決不以火車行。但以單車赴敵。意果得西里亞者。必以威而森御車同犇。道中思別無良法。但有盜入盜出而已。而尙有難者。不能以信通之堡中。又恐爲邏者所得。卽使能入。而西里亞之獲脫與否。尙不可知。進退不能自決。已面近門巴克。乃立停其車。語威而森曰。我以獨身往。得郡主者。旋即就汝。汝須嚴備。聽我呼車。汝當夙駕以待。吾入卽通。夕不出。汝亦當濡於此。天下事正自難料。若西里亞出。吾不卽出。則汝當遽率郡主之言。如言而往。余亦知此去必遇險。則挾一手鎗同行。屋爲叢石所疊而成。類堡。乃不類家。其下皆周以鐵闌。

窗皆嚴閉。不漏燈光。余四顧。曾否有。加德林標識。示余。顧乃無。有。遂慨然自往。叩門。侍者啟扉曰。汝曾否爲醫生。余曰。病人在。其人引余入。內居甬道旁小屋。坐候。此人既行。余卽潛登樓上。又念果遇人者。又將如何。中列羣房。扉皆嚴閉。天晚而不燈。余果知西里亞安居者。即可引之而出。於是連啟四扉。皆空屋。至第五間。則聞有男子笑聲。余卽鑰竇中。睨之。聞甬道中有足音。是必覓取醫生矣。卽至第六房。推扉而入。卽遇加德林。出加德林見我。而驚。幾欲大呼。則納余屋中。閉門而問曰。汝胡能至。是余曰。吾冒充醫士而入。而侍者覓醫。不可得。勢且呼囂。汝將何術救我。加德林曰。汝伏於是間。加德林遂下。余聞子爵大呼醫生安在。似語加德林曰。此人云醫生在。是胡以不見。加德林曰。聞醫生在。是吾已引之登樓。子爵曰。吾已告爾。無論何人入此。必先見告。胡乃顛預。至是。加德林怒曰。然則當以醫生下。與爾驗。詎醫生待驗。急耶。抑吾母病急。耶。子爵亦怒曰。汝乃大有能力。語已自行而去。加德林作自如狀。口中噫氣。仍至吾屋。余曰。西里亞安在。吾不能久羈矣。

眞醫轉瞬即來。一來吾事不甯敗耶。加德林曰。汝欲草草脫去其人。事良非易。公夫人筦之於內。司吉瓦子筦之於外。胡能即脫。且吾實未知汝於此時訪我。知之則夙戒矣。胡至倉皇。余曰。汝固不知吾來。今姑爲意外之圖。或可徼倖藏吾事。請爾趣言西利亞果安在者。加德林曰。尙在第一層樓上。惟欲登此樓。必別從一屋而上。余問狀。卽適聞數人聚語者是也。思之愕然。加德林曰。我終有術引之下樓。余曰。趣引之。語後。加德林遂過隔室。室中方鬪葉子。見加德林入。似停作。嗚噓之談。意似輕之。然加德林初不與語。趣步登樓。余在殷憂中久候。虞其不至。計卽出。亦寡不勝衆。況余以醫生來。果所延之醫生。至。又將何以自解於仇。因時時張目。覘樓下。微聞人聲。心卽躍然。正於此時。聞西利亞下。與鬪葉子者道。晚安。余立趨入。聞扉聲動。加德林同西利亞已入。余室相見。擁抱。初無一言。然女貌如恆。初不消滅。與余笑曰。司丹列。我知爾來也。加德林顛甚。言曰。我先下。張望曾否有人。遂先下。樓級而西利亞夷然不驚。尙淺笑。微嘖不已。余在樊網中。自念必不成之事。

胡乃一索而得。滋異事也。加德林行至樓級。可數步。立止。呼子爵曰。卡爾。余及西里亞遂止。聞有趣步之聲。余此時不特防子爵。且防樓上之人尾追。則揮手令加德林啟扉。加德林夷猶不即下。此時聞門外有叩扉聲甚急。加德林曰。醫生至矣。則倚闌干。強立防顛而下。跌。余曰。乘此罅隙。可以奪門立逃。時樓上之扉。余皆反鑰。之以防追人。乃匆匆而下。甫及地。子爵已立於別室門外。突見余。則大呼。撲余。余出手。鎗問之曰。汝敢沮我者。請試此鎗。

第二十章

子爵卻退。以目視余曰。女敢於我堡中死我耶。余曰。汝避我。不避者死。子爵之意。欲以謀羈我。取樓人下助。吾意則思立逃。然樓上人已聞聲。毀扉且下。余計不於此時自脫。匪特不能出西里亞。卽己身亦將不免。子爵引目盼樓上。待援。余曰。爾製太固。今日閉其援師矣。語時。扉憂憂且破。子爵遂以身自蔽其扉曰。汝殺我。亦不利於己。今日此門終不能出。時子爵無械。余不欲殺之。以喪吾勇。問西里亞。

曰。有他戶足脫否。西里亞曰。未知也。卽向子爵曰。汝乃不聽吾出耶。方西里亞與子爵言時。余問策於加德林。加德林噤不能答。子爵謂西里亞曰。他事咸如約。獨此不能報命。余曰。余本不欲殺汝。今既如是。亦無他法。不避者。彈且立出。加德林見狀。恐傷子爵。則抱余。奪余鎗。余出不意。鎗落爲子爵所得。余知敗矣。子爵得鎗。立易其狀。以背倚牆。語加德林曰。汝悔過晚矣。然此著尙不能忘爾之功。又語西里亞曰。汝勿前歸矣。此事容吾與司丹列寶星了之。西里亞曰。吾更不歸圍矣。語已欲啓栓。出子爵引之。余力推子爵。撲之於地。然樓扉已破。衆爭下。公爵夫人及司吉瓦子亦隨其後。余自恃其力。立而待之。而門外叩扉者。久久不能入。於是復叩樓上。人方欲啓闌。子爵止不聽啓。謂諸人曰。汝輩入屋中。勿集甬道之上。西里亞不入。大呼取援於門外之人。子爵欲力引之。余力格子爵不聽引。而公夫人竟從後捉西里亞而去。此鬪葉子之三人。羣集團余。子爵曰。汝今日至此。尙何能抗。西里亞登樓。仍大聲而呼。余憤極。出拳撲一人。顛。復以肘橫觸第二人之鼻。踴

出亦避。余趣步登樓。而第三人及子爵。則奔而追余。仆者。亦皆起。遂於是以一人力敵四人。漸漸力薄。而敗。然此四敵。亦皆被余創。余亦仰跌。子爵曰。司丹列寶星。汝能否以名譽爲證。不更撲我。余曰。否。汝擻豎無膽之小人。何能從汝。於是亦大聲罵詈。且使門外之人知之。遂有一人以布團納余口。卽有二人反翦余臂。畀置空屋之中。臥余榻上。以二人監我。余力戰似創。初則齧齧大罵。及氣少靜。則頗悔以孤身探賊窟。且我特一身。胡乃用武。若以謀自全。卽爲所得。亦焉足害我。又思西里亞之不能脫囚。其事卽我敗之。西里亞之無懼。正恃有我。而我。又無謀。自敗。又將奚對西里亞耶。且人旣歸我。我僅隔此一關。乃不能援之。以出是害之矣。而婚禮之事。又直我一身速之趣成。余怨艾可數點鐘。乃疲極而寢。醒時有人去吾塞。又有人解吾縛。見子爵立余榻前。發號令。縛釋後。言曰。汝輩出。聞吾召。卽入。人出後。子爵曰。我之虐汝。非我本心。汝當自咎。余見子爵怒氣復張。計尙有力者。將立撲之。死。願以縛急。手足麻木。不可動。臥而不答。俟吾血脈歸源。然後起。

子爵曰。寶星。汝卽不答。於事胡濟。今夕之來。特與爾議收局事。汝何妨聽我。汝今當知竊入及強劫事。皆弗行矣。此語蓋欲怒余。余實不省其言中之意。此人雖兇頑無識。然必不至乘人羸憊之時。肆其狎侮。余心尙思威而森在門外候我。久候不歸。必當見救。因答之曰。我安能罷爾勿較。實告汝。我敢獨身探爾巢穴。獨無後繼之人耶。胡貌我至於此極。子爵曰。我亦不計爾備如何。然在此間。勝我決無成。功。余曰。試待之。子爵曰。爾欲求人助爾。事更萬難。舍英倫外。誰助爾者。汝不爲吾政府以牒祛爾耶。實告汝。吾意已更。公夫人已以郡主行。汝更來者。必不獲我。第二節。我與西里亞婚禮易而從速。汝聞之。得母以爲佳消息耶。今實告汝。汝更不馴。則我一告之政府。汝立無倖。可以恣我與西里亞爲夫婦之樂。汝卽以衆來。則爲事亦晚。子爵所言。語語皆挑余怒。余知適惟用武之故。故一敗塗地。今當堅忍以謀取之。仍嘿不之答。子爵曰。爾英人性質良佳。能拓地讓人。毋論僂辱之處。均有術自全。余此時幾欲扼吭死之。然防有詭謀。但夷然如聞狗吠。但曰。子爵。汝前

此不言有格鬪之言耶。我曾允汝。苟有所命。無不立諾。然我意欲保全西里亞。故留此七尺之軀。用救難中之人。我決計必不聽西里亞歸汝。子爵作冷語曰。汝英人太持重。余曰。我已一誤。豈可再誤。子爵曰。汝可勿更言。郡主事。吾意汝但求巡警驅爾出境。必不更思乘瑕蹈隙。以取西里亞。余曰。所云瑕隙者何也。子爵曰。我尚有一策。予爾取西里亞。特未知汝膽力如何者。余曰。此安語者。子爵曰。今以西里亞爲賭。勝之采我。二人決鬪。勝者取之。汝方誓吾無膽。今當決鬪。以試吾膽力。余曰。謝爾。爾所云決鬪。必出詭謀。我知之矣。汝果敢決鬪。則當出西里亞於公道人之手中。以備失信。子爵曰。司丹列寶星。乃以我爲狙殺人者耶。余曰。正自難料。須知夤夜入人家取人。則狙殺之事。又孰能料。子爵欲伸拳毆我。則又立止。眼中閃閃作光。言曰。汝能決計與我一鬪。否。果不鬪者。西里亞屬我也。鬪而死。汝而西里亞又安往。汝趣決之。余曰。可。汝以何時何地。趣示我。

第二十一章

子爵聞余允諾。立變其容。先前作嗤鄙之容者。特欲倡余之許彼。卽余亦知中計。則又悔其冒昧。而子爵則仍爲足恭之狀向我。啓戶入。二人謂之曰。二君聽之。此爲司丹列寶星。與我有隙。吾今將以決鬪了此夙冤。唯寶星無一朋友在是。若覓諸外間。則力又不及。復謂余曰。此二君爲吾家世交。皆正人。請於二人中擇一爲君之證。必不偏袒吾身。吾今爲君介紹見此二君。一爲大佐恩格爾。一爲大佐司吉麥爾。此二人與予鞠躬。則自撚其鬚。余見此二人皆不協余意。卽曰。我有不測身後之事。尙欲立遺囑以告吾家。吾僕威而森停車不遠。可將之來。爲我左驗。子爵曰。僅一人乎。余曰。然。安有多人者。子爵曰。汝呼尊紀。法當來歸。余曰。安肯爲是無恥。於是子爵以人與予同出。啓扉。縱余出。亦不余尾。余樓居熱甚。旣受空氣。精神頓蘇。威而森忠樸之僕。方張目望余。一呼已至。見余卽曰。主人無恙。奴子聞室中有格鬪聲。以爲主人危也。密斯西里亞已夙出。奴子固已見之。余曰。吾事尙未了。汝當與我同入。汝言密斯西里亞果以何時行去。今尙幾時。威而森曰。行可五

句鐘矣。行時僅十句鐘。茲已近三點矣。奴子本欲隨之行。以主人未出。故不敢前。余曰。隨去良佳。卽留此亦微忠概。遂無語。引威而森入子爵家。大佐恩格爾謂余曰。果欲鄙人爲證。卽可助君。今且入室商之。余曰。二君均未謀面。焉敢有擇。今蒙足下青垂。無任感激。大佐鞠躬。引余至空屋中。言曰。茲事生死良未可定。果有不測。可一一見囑。迨大約已定。尙有何語。語君紀綱。則我當避去。聽君言之。唯此次決鬪。君受挑之人。則軍器宜從君擇。鎗刃唯命。余曰。鎗佳。速而不滯。大佐曰。此事決不免乎。例此蓋余曰。然以速爲上。大佐曰。鄙人當往面司吉麥爾。大佐復鞠躬出。威而森目送其行。顏色慘變。曰。主人行決鬪事耶。余遂述其所以。後謂之曰。以汝爲吾監。取其公平而已。遂作書囑後事。曰。果我不幸。汝照此而行。復作兩書示吾姊妹。書詞極短。復以書與律師。凡未竟之事。均律師管之。最後則以書與西里亞。下筆殊難。余久坐莫能就一字。乃不敢下筆。尋見爲時甚短。則草草書曰。吾最親愛之西里亞。今日義當以是稱稱汝。想爾未讀吾書前。威而森口語想已聞之。吾

乃無識。負氣與人決鬪。今死矣。吾季父常言。以身徇汝。必無善果。願吾之爲此。非謂彼此情盡。故自覓死。蓋我愛爾之心。至死猶貞。臨命之言。殊不足以對爾。爾以無窮情愛。乃託諸亡命之匹夫。可鄙也。今但願上帝垂慈。能脫爾於兇人之手。吾摯愛之人。與爾別矣。司丹列頓首。書竟。並不更讀。總諸書入一巨緘中。糊其口。上書死後折之。遂付威而森。曰。汝待余死後。據是而行。威而森得書。悲不自勝。幾欲失聲而哭。余語已遣出門外。告之曰。大佐恩格爾至時。語我。余獨坐。百無所恐。頗悔不應。慨諾計。有他策。不傷吾名譽。蓋亦可。許願乃無術。語之適譏。無膽。然余素不嗜殺。今既以身許人。轉平靖無復很很之狀。細觀子爵。此次決欲死我。而我自衛之心。亦不能無。仰託天心。百無所懼。且今日之鬪。非兩俱不仆。卽止。必以一傷。或一死者方罷鬪也。且能死子爵。或與之同死。則西里亞必得救。不落賊手。可以脫然履彼公位。亦大佳事。此時威而森叩門。言大佐至。大佐曰。戰場已得。在跳舞房中。房身絕大。空屋也。令燈光彼此同及。請君以綱紀往相其地。吾輩行矣。余曰。

可立行。大佐曰：君輩所用鎗則各以平日所佩者。鎗各一彈。相距可十步。兩彈均不中者。則更納之。以一人及兩人斃時爲止。余見大佐言之。至從容。知爲老手。余乃先入。是爲絕寬廣之室。燈光作兩列。彼此互見無翳。恩格爾曰：爲此數燈。吾乃大費厥事。牆上懸鏡。往往迴光射人。今得小避。其芒不致射眼。生纈。地上有白粉。畫十字架。即二君站立之位。至彼此對立之上。下臨決時。則以錢卜之。取其字與幕以定。彼此之位。語已。子爵已至。並攜其證人司吉麥爾。余見子爵易以附身之衣。至精嚴。蓋防衣寬博。足以礙事。其志直將死。余而止。既與余鞠躬。復視余老僕威而森。後彼之證人復與之言。與語余者無異。恩格爾招威而森。出大銀錢授之。言曰：汝以此錢向上而擲。令墜。威而森手顛不能舉。已而並人而跳。錢始上。擲直墜。子爵足下。司吉麥爾曰：此爲正面位定矣。子爵曰：爾之證人當知今夕決鬪之所以然。卽尊紀亦已知之。余曰：已囑身後之事於彼矣。子爵語威而森曰：今日爾主人斥我爲無膽。吾心不甘。故有是舉。天下僂辱之事。雖死必仇。威而森視我。意

待余言。余嘿不一言。子爵曰。司丹列寶星。吾尙有言。卽自衣囊中出一郵筒。寘之
鱧簷之上。曰。此中卽爾所欲得之消息。諸君聽之。果我死者。此郵筒付寶星。語已
立於十字架之上。余證恩格爾出手鎗。還余曰。君視此鎗是否。卽付威而森令納
彈。子爵之證人亦出子爵之鎗。示余證人。彼此互驗。既竟。各還主人。恩格爾曰。二
君均以鎗口下垂。待我呼一二三。三字出口後。縱汝發鎗。二君皆備乎。余及子爵
皆曰。備矣。於是對立。子爵齧牙閉口。專候號令。余觀其必欲殺我之志。我亦極力
備之。此時一二三之聲極漫。三字甫出口。二鎗同時並發。不差一秒。然皆弗中。子
爵見余無恙。則大怒。於是復實其空鎗。待第二擊。至第二次號令發。鎗聲復同出。
但聞彈飛近耳。而過身。乃弗痛。似無傷也。而子爵右手斗落。墜鎗於地。然余彈本
嚮其心。乃誤中其腕。幾斷其骨。子爵色慘白。乃敲牙不語。然尙曰。吾右手廢。左尙
能鎗。余見其傷。乃不欲重傷。卽我證人之意亦然。子爵必不可言。曰。吾初意以死
爲度。雖傷重。然不能得我鱧簷上之郵筒。且我尙能彈。顧雖如是。然漸噤不能聲。

矣。時尙倚證人之手。欲更起立。忽大呻一聲。立偃於地。

第二十二章

子爵既偃。余趨視之。不特斷肘。且炸裂其血管。血疾出如箭。苟不止者。且立死。幸余能裹創。裹之至嚴密。立傳呼醫生。余此事欲行。彼問人亦不留我。余證人亦向余道歉。衷言不應日中。助子爵縛余。余曰。君亦知子爵近日所圖。事近篡逆。君奈何助之。恩格爾曰。僕與子爵世交。余曰。助以他事尙可。此事發覺。爲大公所知。從逆之人。均不獲免。君亦知之乎。恩格爾曰。我普魯士人也。余曰。柏林中亦不以此事爲然。大公固不能罰君。恐柏林政府亦不汝從。恩格爾曰。寶星何由知之。余曰。在倫敦時。聞日耳曼公使告鄙人。恩格爾聞言色變。卽曰。我爲君作證。初無舛謬。國家果有不直於我之處。幸爲我白之。余曰。爲鄙人證。鄙人感極。餘事則難以爲力。恩格爾聳肩而笑曰。事安可知。亦聽吾運命耳。恩格爾命意。蓋謂子爵果得西里亞者。必得寶位。則已直爲攀鱗附翼之功臣耳。威而森此時進曰。此時能否爲

主人理車。余諾。威而森卽行。余漫步隨出。則思其第二着。子爵之傷。或一禮拜始愈。而西里亞之不歸。我仍無些子之益。西里亞行蹤渺如天上。何從往覓其人。既出門。復思得一事。醫生不久且來。當問醫生以子爵之生死。願其人不死。余亦心慰。唯視其少滯牀席。經月則吾事或可因是而濟。余凝視門外。計畫茲事。威而森以車至。催余卽行。余曰。此時詎有人犯我。汝且勿憂。吾意欲聞醫生入作何語。威而森曰。主人萬萬勿爾。遲且變生。余曰。汝恐者可先行。幸勿援我。威而森曰。非恐也。唯句旣而曰。主人欲吾久候。吾亦如命。余見狀似震恐過度。不得已。亦登車。緩緩而行。余心頗欲得醫生消息。行可半英里。復勒其馬曰。威而森。爾我二人必須一人迴子爵家。問狀此吾事之大關鍵也。威而森曰。關鍵吾已得矣。余曰。何也。威而森曰。密斯西里亞所居。奴子當覓得之。余曰。汝何由知之。威而森曰。主人方與子爵決鬪時。我已竊得罇上之郵筒。懷之而出。余曰。誤也。此等事乃大傷名譽。汝卽得之。吾亦不視。汝趣歸還。諸司吉麥爾告言。意出諸爾。非我意也。威而森曰。我

知主人意否。故我句余怒曰。何也。威而森曰。我知主人之意。必弗欲。故先竊視其書。主人卽不視。亦可。余曰。茲事乃太下流。爾言亦不必語。我趣還其書。威而森曰。吾惟欲救密斯西里亞。故亦無惜。此末節。余曰。卽欲救郡主。亦必正大。果如是者。乃大傷名譽。吾決不爲。吾及爾同往。加鞭仍赴子爵家。請二證人出。余令威而森自引。過於二人之前。威而森語已。余面二人曰。彼實未對。吾言。吾立誓足。以對爾。今且留此僕於子爵家。不爾將謂我主僕同謀。因斥威而森曰。威而森。我本欲需汝助。今助非其法。轉足累我。威而森垂首無言。卽此兩大佐亦感余義。彼此相視久之。恩格爾忽曰。司丹列寶星。能如此。發遺尊紀。足見君子所爲。落落可敬。惟付尊紀於我。此責殊重。我詎有疑君之意。余曰。醫生至乎。其論子爵之創如何者。恩格爾曰。至矣。言子爵流血太多。元氣固傷。而性命尙可保。右手之疾。恐貽終身之憂。果醫得其道。或不在於斷腕。余曰。然則須靜養以時日矣。恩格爾曰。若在他。人當久攝。惟子爵尙壯旺。不久且愈。今茲欲留尊紀事。吾實不欲進問其人。余曰。我

決不能挈取其人。聽二君決之。遂一人登車而去。正在此百忙中。吾又失威而森之助。爲勢益孤。但逗遛近處。尾子爵所向。逐之而行。亦知子爵決不留此。候數句鐘後。且行。惟吾所居地。必當令余姊知之。果加德林有書。姊氏始知吾處。且吾若至城中。與姊氏言。子爵乘隙而行。則事機不又失耶。此機一失。更欲覓之。則上天入地。當無能覓之時。於是不行。仍留近處。惟於暗中窺察。爲事尤難。堡外四周皆樹。而又多門。樹雜門多。何由得其所出之道。此時已遲明。余初尙徐行。既而又防人覺。則繫馬隱處。翳身樹中。小坐。顧竟夜無眠。一坐卽假寐。余則力支。令不寐。左右趨走。不已。以圖破睡。如是者。可數點鐘。而村人已。鹿鹿往來。余此時。饑渴交迸。正凝思間。忽見堡中有異狀。余赫然而醒。見一人啓門。四顧。後復入。仍關其扉。余知主人且出。饑渴及睡。魔皆屏立於隱處。觀之。既而聞馬蹄之聲。及輪聲。余意。豈子爵帶劍行耶。已而知之。子爵必謂我已至城中。故乘我不及備而行。余乃私慶其計之得。此時欲觀車中爲何人。果見有人包裹一病人。納之車中。余決計必子

爵矣。俟車行百步以外。余則隱隱以馬隨行。車行甚緩。余徐徐隨之。車前但一御者。亦不迴顧。行可兩英里。車行逾緩。余以爲或以病人之故。故迂緩如是。時晨氣至空爽。中人余亦不覺其倦。心中自思。子爵狡猾如是。乃疏闊不備。竟入吾彀。何也。忽爾車停。御者下而理纜。神甚整暇。余怪子爵在中。胡不趣行。時此車欲趣山而登。御者臨行。尙出煙斗吸之。始徐徐而登。車行既緩。余亦緩隨。至於峯極。至時車竟不見。其下有斜出之徑。車卸而馬嚼草於車旁。御者仍吸煙不已。既見余。則微哂。似知來意。則曰。今日晨氣甚多。利於野適。余不答。就車而觀。御者曰。先生何事窺吾車。余見車中無人。知中計矣。乃轉叩御者曰。汝以空車至此。何爲者。御者曰。主人囑我以車緩行至二句鐘。卽止他事。吾初不之審。余下馬展其車。奮則但見空裏而已。因曰。爾主人安在。御者曰。誰爲主人。而倩吾車者。尙在樓居。余不答。卽復上馬力馳而去。乃自怨艾。費此時光。爲奴輩所愚也。

第二十三章

想余既出。復以威而森歸堡。定必爲人所見。亦必知余不用威而森言。欲以一身蹤跡彼事。故定策以空車愚我。往反至二句鐘之久。馬瘖人瘖。苦不勝言。又以中懷鬱勃。鞭馬以洩吾憤。馬行少緩。卽力鞭之。顧人能忍饑者。志有所嚮。故不覺其饑。而馬則焉知者。遇饑卽止。無復支撐。唯此馬之瘖。亦微於己。有利余本意奔歸。問子爵仍否在堡。果行者。則亦偵取其所向。此馬果能力行者。此時已近堡下。胡能更矚道中情狀。迨馬旣徐行。則余遠瞭。已見堡之左右樹陰中。尙有二三人窺探。如有所偵捕者。又見短樹之中。繫以二馬。鞍韉均類武人。又類警察。余疑子爵事爲大公所覺。以人揀取。又或子爵旣以術愚余。知余必歸。因夙告捕房。無因加余以罪。然無論其如何。必嚴備之爲當。則據鞍顧盼。無令其知。然此二人似已見我。意待余前。加以捕捉。余如不之見。縱馬過其旁。一人斜出睨余。余弗顧而行。忽見前面有二人泥余行。與余道。晨安。余亦勒馬報之。以禮。來人曰。先生得毋來自遠道。人馬均瘖。余曰。然。吾馬且僵。行仆矣。吾行五十英里。初未少息。敢問。是間有

無逆旅。足以食息。吾記出時。途經一村。今乃百覓不可得。見來者曰。客從胡來。余以手後指曰。自彼間來。二人彼此對視。指吾馬上烙印。密語移時。中一人問曰。君爲誰。馬自胡來。今又安往。余曰。我爲英國旅人。名曰司丹火迫。居京城。中宋恩逆旅。是馬卽賃自彼間。今將歸矣。此二人者。聞而點頭。余曰。吾所問之小村。足下若知之者。幸見告。中有一人曰。旣行此道。胡不見村。余曰。吾行時。天尙未明。晨曦。一上景物全更。其一人曰。客以何時出城。余曰。近三句鐘。今饑疲極矣。二君先示我以逆旅。我願爲東道。與君更叙其底細。一人曰。君何事夜行走此長道。余曰。初無一定宗旨。吾聞旅行。言曉行。觀日出。其狀至佳。吾特效其所爲而已。今乃大悔。不如靜臥爲逸。語時作懊懣狀。二人皆笑。其一人曰。足下爲司丹火迫矣。余曰。然。今日下午至宋恩逆旅。覓我尙可以杯酒款君。二君果入欲城。胡不並騎以慰寂寞。然常圖飲食。芻秣爲佳。二人又復耳語久。第一人示余曰。去此里許。有小村。可以一飽。吾二人少須卽至。與君同赴克魯登司達。余曰。嘉哉。二人入堡。余加鞭過行。

至於村舍之中。令人秣吾馬。已則索飯。觀壁上火車時刻表。知不多時刻。卽有車赴京城。飯已。謂主人曰。寄秣吾馬。遂以快車行。迨余至京城時。此兩巡捕。或至村店。問余。余至宋恩旅館。告馬斃。償之以金。付帳已。遂以行李赴火車站。既至。復下入京城。易一大逆旅。曰林霍夫。自改名爲白列。司想彼。卽至宋恩時。亦必不能覓我矣。余此時已有人偵。險乃萬狀。然又不忍舍此而去。第一節宜與姊氏通書。卽打電。亦必署吾籍貫居址。今但有獨身往造姊家耳。於時天晚。乃易服至姊氏家。左近延蛇。往來不休。狀乃如竊。尤防啓人之疑。心乃愈戚。久不見人。乃縱膽叩姊氏扉。侍者既出。言主母已出。此侍者爲余姊丈心腹。余不之語。遂行。既行。而此侍者乃竊竊隨余。余甚疑此侍者將爲余害。迨余行亦行。余止亦止。可一句鐘。余思用武斥之。顧有天倖。乃不煩余力。此人但逐余。行地上。初不屬意。無端與醉人相觸。醉人則力擒之。抵之於壁。拳毆不止。余趣行。適得車。遂翛然脫險。命車繞道。復赴吾姊氏家。投書於門隙中。歸寓後。殷憂奔湊。幸沈睡及曉。方其未寐時。輾轉牀。

稱計。憑一己之力。欲獲子爵。必不可得。不如明告宰相。初亦不能更恤。加德林矣。既思吾若以艱難之故。遽置正事不圖。則西里亞不竟落官中之手耶。彼在子爵家來書。自矢不屈。我堂堂男子。何爲中道棄。蠲其人。此念既成。則往愬相國之心。立息。升天入地。必欲求之矣。又思子爵所在。縱善遷徙。然無他窟宅。亦易尋耳。安知不挾公夫人輩。藏匿親故之家。想子爵聞人所往來者。多半賊里。此等人均顯貴。叩之匪不知者。明日姊氏得書。即而尋我。見余疑甚。頗爲余危。余以語慰之。叩以子爵通家有幾輩者。姊氏更事多。尤知子爵家事。歷舉與子爵往來者示余。尚有一事。爲余所不料者。姊氏竟薦一大俠助余。乃署俠者之名曰司登。並示余以居處。余曰。非得西里亞。決不還鄉。遂舉堡中校鎗事告姊氏。姊曰。司丹列以汝之力。能與公國朝野之人爲難耶。汝尙未知克魯登司達中巡察之精敏。首相多謀略。生平未嘗失一策。爾卽能取西里亞得之。爲婚相國。尙能以國力。偪爾離婚。爲悔不其晚耶。余大笑曰。姊服相國威棱。吾乃弗信。卽使相國多才而裕智。吾尙須

一試其技。姊曰：不聽愚計，策卒無驗。實告汝，此事亦不願爾成功。汝試思國家嗣續重耶？抑爾一人婚姻重耶？西里亞近乃愚驕，若更閱歷，則輕重將自剖別。舍汝弗戀，且官中人果知老姊與爾通謀，則吾夫婦均將不直於國衆。余曰：姊丈官矣，或且爲公庭作偵探以取我。姊氏曰：報國固臣職，唯宿計圖爾事，或未然。余曰：吾以骨肉之親，故不憚傾心而告。若爲心爲夫家者，則亦不敢奉累。以姊氏欲全骨肉，則不能顧及夫子。人自爲謀，儘可分手。不願更累老姊矣。姊氏曰：吾能助爾者，匪有不助。苟欲請我不白之姊丈，吾決不言。然身爲人姊，坐視其弟圖己國家，則此險如履冰上矣。汝適所言，似疑我不利於爾。然則中年老姊，竟賣我愛弟乎？余笑曰：焉敢有是事？非萬難久之當就，遂不更言。防傷吾姊之心，愛立斯旣行，余往訪司登，乃不相值。余則留牋請其到寓相見，遂歸而候之。久久莫至，身閒而意則忙殊難遏也。方余坐時，侍者齎至一書，書從姊氏而來。啓之，則加德林手迹。書言親愛之朋友，大事定矣。乃有至不料之事。一二日後，吾卽將以西里亞納諸君懷。

今日少俟。亦不必示爾以居處。卽得之亦無益於君事。卡而及我不日成禮。吾於世間頗稱有幸之人。至事之波瀾。千奇萬怪。實則實實百無一誑。汝且姑待。當有消息報君。加德林拜啓。

第二十四章

余把書讀不已。疑加德林爲子爵所愚。并以愚我。事亦難決。此時司登至矣。其人短小而慧黠。彼此通名後。卽曰。甚願先生助我。時勿論久暫。必有厚酬。吾姊氏霍司曼夫人薦君授我。謂無論何事。屬君必不敗。司登曰。竟爲夫人所薦。鄙人安敢不盡死力。夫人曾救山妻及孺子之命。如是大恩。吾銘之中心。今何事見屬者。余見司登詞鋒警快。悅甚。卽曰。鄙人有事冀君爲我偵探。司登曰。此若爲鄙人所長。幸示大略。余曰。吾剛得一箋。其上不書地名。果得其地。於吾事乃殊有濟。司登曰。封面乃無郵政圖書耶。余曰。書附他人郵筒。故不得其居址。司登曰。爲君寓書者何人。能否一見。余曰。卽霍司曼夫人耳。今請足下往見夫人。索其來處。惟勿告

他人。余語時。司登不悅。即曰。吾且往訪。不相值者。當於他處覓之。先生能俟我於此否。語已立行。半句鐘卽歸。言曰。夫人此出。下午始歸。吾意久待其人。不如歸知底蘊。可以戒備。余聞姊氏不在。心爲悵然。顧亦不能不候。乃歷歷告以子爵遷避之故。請其偵取之法。並示以子爵所往還貴閥數家。余語已。司登自撚其髻。言曰。君不言子爵被創重耶。余曰。然。於決鬪時創之。司登曰。延醫與否。余曰。安可舍醫。司登曰。然則易辨耳。吾但於近處問醫生。可毋須偵子爵。因就案上數此巨家姓名。且向余曰。君不言不惜巨金酬我耶。余曰。然。司登曰。夫人適未歸。吾且詢醫家於吾事。亦不大梗。語已。遣行及歸。仍無機緒。然神宇仍不動。言曰。君勿灰心。似此重要事。一日不獲。終有見獲之時。無傷也。語已。復往造吾姊。又一句鐘復歸曰。吾尙未見夫人。然是行亦非虛。入夫人家時。本意坐候。侍者既去。吾竊近夫人書案。自破紙籠中披檢。夫人精細已碎。其封皮納之籠中。幸故紙未多。尙可覓。吾不審其何者爲是。則悉取其故紙。囊之以歸。語次列碎牋滿案。言曰。但得一角之紙。吾

卽可攢聚而成一郵筒。余見斷紙中有霍斯曼三字。曼字已損其半。司登曰。此紙與他紙異。可拚集。言曰。吾在家時。恆教孺子習此。爲樂已而曰。吾得之矣。地爲迫里。司堡。余以迫里。司堡之名。合諸姊氏所列之故家。證之實爲霍夫農家。司登曰。旣得所居。當立時行。地踞都城僅十五英里。車行一旬鐘卽至。今茲爲六旬鐘。雖遲七旬半鐘。必可至。余曰。請客倩兩駿馬至。吾輩卽以馬行。余思得是人爲助。取西里亞。乃非難。且旣得耗精神。亦勃發。是日黃昏。空氣至爽。馬復神駿。據鞍顧盼。殊樂。道中以心腹語示司登。與之定策。綜言之。此行決不用武。司登曰。吾意先入其家。卽不獲。當驅我而已。然彼方竊人。胡敢張王。亦決不追我。君果有書見託。或與密斯西里亞及密斯加德林。吾尙可達。余曰。君何能爲我書郵。司登搖首曰。君可勿問。旣不之知。則責任亦不令君擔之。此事全屬之我。余聞司登慷慨自任。則亦生其希望之心。遂曰。吾有書與加德林。幸君爲我齎往。余至迫里。司堡。較之孟巴克爲尤小。當時亦繁夥之區。今則商務已敗。幾同荒墟。空舍至多。至有傾圮者。

問之村人。堡去村尙三英里。近山矣。當用兵時。其地本扼塞可守。初計寄馬於村人。步行而往。後聞村婦言。宗旨遂變。婦謂今日人數至多。赴堡不絕。余聽時。司登已質問其事。司登初用悠泛之語曰。行人衣著如何。皆盛服赴堡爲樂耶。婦曰。吾乃弗知。吾子往觀。歸言不類爲樂。似格鬪也。司登曰。路人告我。堡中似有病人。復問村婦曰。密昔斯所居屋。乃堅緻牢實。婦曰。否。霉甚。惟客云堡中有病人。良然。適有四五人以馬入堡。吾子見告。謂皆糾糾有武容。以吾決之。似非善局。惟吾家所蓄之雞子已盡售此驢客矣。今二客與堡中人善乎。司登曰。非也。有事欲遣此堡復向余曰。不如仍以馬行爲得。余聞媪言。以爲公家知子爵所在。以緹騎取其入。故爾。司登道問曰。君曾否料及有人與子爵爲難。余曰。子爵蓄異圖。國人側目。亂事正未可料。司登曰。此出我意外。吾輩不宜冒險而進。又曰。爾聽之。余乃聞有馬蹄。馳驟聲。少須已至。余二人勒馬讓其行。其人至。是亦勒馬呼余。似曾相識。余視之。則恩格爾大佐也。自念遇之。滋非福。大佐忽曰。今日遇君。滋倖。君得毋欲入堡。

耶。茲事乃大決裂矣。且吾尙有祕語須告君。語時以目視司登。如不敢出。司登識旨。卽曰。吾將調馬。遂以馬行。大佐卽告余曰。我此出本欲取救於外。君二人能否助我。君亦知子爵之兄。知子爵欲圖寶位乎。蓋此堡居停漏其消息。故厥兄知狀。則以五六騎來捉子爵。來騎勝而堡中勢岌岌。果不得救。則此六騎者將捉取子爵。及公夫人母子偕行。今君二人若能助我。則不爲所取。然須急趨。遲且無及。余曰。吾與子爵仇耳。何爲救之。大佐曰。汝能救子爵。則西里亞卽可歸爾。其中變調之故。吾實未識。不爾無不告者。子爵今日已無圖娶郡主之心。仍以還君。吾敢以名譽保子爵。不負惟郡主一入彼兄之手。則永無出險之期。君亦胡利。且安知子爵之兄。非圖不軌。挾公主以自重耶。君但謂子爵僉猾。而其兄乃百倍於子爵。吾意郡主在此尙不謂危。一脫此地。危乃萬狀。余曰。吾力胡以必勝此數騎者。大佐曰。易耳。彼之所以勝我。蓋出不意。大佐司吉麥爾已中創。子爵創且未愈。已不能戰。此六騎亦以一敵一。未嘗羣撲。吾俾脫身而逝。不爲所得。果吾三騎蹂進。出其

不意勝之亦易。且威而森。及司吉瓦子在禁。吾若釋之。更合。大佐克魯本與堡中侍者不七八人。耶勝之必矣。余聞言。心動。卽呼司登商之。司登曰。可試往試之。語已。三人同騎而進。大佐恩格爾引余二人出斜徑。至堡之彼戶。納馬廐中。鑰其扉。大佐曰。是中有便道。可以竊入屋。先釋克魯本威而森及司吉瓦子。然後再窺來騎罅隙而進。吾黨七人。彼僅有六。衆寡殊已。彼據勝著。亦萬不料援師之立。至及至門次。大佐曰。留意。勿聲。惟卽與相見。爲力非易。不如掩取之。爲得。余旣進門。卽曰。眷屬安在。大佐曰。遠在彼間。吾思來騎之意。必俟夜中始以人出。然其人皆粗笨無識。不加邏備。取之亦易。余此時同登一樓。過一極修之甬道。大佐引余至一屋。加以簾幙。令余二人隱此。奮間言曰。此六騎定在樓下。蟲飲。君且少俟。吾往取克魯本三人。語已。躡步而去。大佐旣去。司登亦欲外行。言曰。吾亦當下。值取其狀。卽有人見之。但自承爲侍者。亦無由辨。余曰。司登勿前。吾輩共處。爲力尙壯。分則力單。少須又言曰。吾更上此一層。觀女子見囚。應作何語。更來報君。余又不許。大

佐行可半句鐘。司登曰。我久留於此。若爲所得。又將奈何。余無術。堅囑其留意。令勿遠行。庶便呼應。幸珍重。勿爲所窺。司登既行。大佐又不至。余以爲又墜子爵計中矣。則啓奩。外盼引耳。待大佐足音。天色逾晚。余思此六騎。苟却郡主行而去。又將如何。而司登亦久久不歸。余乃益恐。余正張惶中。聞樓下有鑰扉聲。有人趣步過甬道。別啓一扉入室。而室中笑聲已外洩。及扉闔。笑聲復隔。卽聞有人問曰。汝在此何事。余聞司登答曰。奴子將然燈。問者曰。孰令爾爲之。呼曰。李得。汝進觀。斯人爲誰。似聞司登趣步登樓。且自言曰。司燈爲吾責。果容不需燈者。吾卽告吾伴。勿然可爾。問者曰。汝下。司登不答。但曰。吾不然。燈可也。問者復曰。李得。汝趣觀。此果何人。李得似曰。聽之。似堡中奴。屬又何問爲。吾方有事。胡能較此。淺小者。今車馬將立至行矣。問者似不悅。猶中中譽。而司登已及吾屋。言曰。險也。彼六人動靜。吾已盡悉。有二人。在弟一層樓。監女人。一人出而呼車。屋中尙三人。但大佐一臨。撲之至易。此時威而森亦至。言大佐防主人久矣。兩大佐及司吉瓦子。往撲樓上。

之守者二人。防二人呼援。三人趨救。故屬奴子及主人當之。然樓下人有一人登樓矣。聞彼言樓上有需者。汝三人當立上。正論說間。樓上人聲已動。樓下二人同曰。樓上有變。卽疾步登梯。余引二人據樓口。出手鎗向之曰。汝二人但進一步者。立死。二人愕然。卻退而樓上戰聲亦愈厲。

第二十五章

此二人者之卻退者。非怯也。少須卽曰。汝有何力。能止吾前。余曰。正恃吾力。且吾此來。特來止爾。勿爲恣睢。其人曰。吾不識汝。且茲事與爾胡涉。余曰。汝勿問。吾力能止爾。始至此備爾。來人曰。不令爾與吾事。汝行。余曰。萬不能踰此尺寸。此時樓上復大聲呼援。卽聞有縱鎗聲。而呼者愈厲。樓下第一人亦將舉鎗。余卽引鎗曰。汝敢動者。吾且立發此鎗。願余。但防此第一人未防。其第二人司登已見之。卽曰。先生善備。其後余立低其首。彈直過余頭上。彼鎗一發。司登卽躍而下。取此縱鎗者二人。遂同顯於樓下。余曰。威而森爾。往助之。正於此時第一人趣上。將奪予鎗。

余高逾其身。氣力亦偉。力以鎗叩其顛。來人立暈於地。司登亦已捉得樓下之人。余令縛之。遂狂奔登樓。樓上戰場。主人垂敗。迨余至。氣乃復張。此三騎士以爲樓下有勁之人。戰極力。及見余至。知援者已敗。氣懾已降其一。恩格爾敗其一人。然其旁有一人已傷。司吉瓦子初非有力之人。幾爲敵所敗。幸子爵亦自病榻中起。彈傷一敵。余至時。子爵尙倚牆立。顏色慘白如紙。見余卽曰。今日相見。乃以義助我。感且不朽。余曰。吾來非助君。來取郡主。郡主又安在。子爵曰。汝亦知我何爲。變其宗旨。余曰。但得西里亞而已。他事一不之問。子爵聞余所言。則又恨恨。余曰。汝今日更敢撓我。則勝敗之機出之吾手。汝無權也。子爵曰。實告汝。苟得郡主。卽當出境。此事爾當悅從。余曰。此時非定約之時。趣告郡主所在。余問時。卽聞有人在屋中。力撼其扉。欲出。子爵以唇吻示勢。曰。此是耳。汝得其人以速行爲妙。雖然。恩格爾大佐往取其人。勿令彼母見之。復生波折。司吉瓦子聞言而怒。力沮大佐。且欲叩公夫人之扉告之。子爵晒曰。司吉瓦子汝行。汝固忠懇。又安知其中事。汝

行矣。司吉瓦子曰：郡主行者，我亦行。且將告之夫人。子爵大怒曰：汝幸勿愚昧。司吉瓦子曰：我昔曾與爵爺有舊盟，今願守此盟，永永不寒。子爵曰：汝當知己之職，分勿與吾事。司丹列寶星汝少下。吾卽納取其人，萬不失信。余防爲公夫人所見，卽尤其請曰：恣爾十分鐘，當報我。遂同威而森及司登下。因自念子爵胡以中變如是之速，則亦不欲詳詢。但得西里亞於願已定，然亦決知子爵決不中變。加德林書中述之大佐口中言之。卽子爵神宇亦似非僞。又計子爵卽失信，吾以三人之力，刼取亦易。時余坐可數分鐘，大佐已扶西里亞盈盈而下。余見西里亞肺葉大震，西里亞堅執余手，弗釋。余觀西里亞音容如昔，但有喜悅，無復戚容。大佐曰：子爵傳言寶星，請立時回國爲妙，不爾卽有意外之變。故語已遂行。余問西里亞曰：加德林如何？西里亞曰：匪特無恙而且奇樂。此中大有故。吾尙不了了。乃令司登及威而森以車至。二人旣行，屋中唯余及西里亞而已。並坐而語。西里亞曰：司丹列得勝著矣。其第二策如何者？余曰：敬謝上帝。吾二人復團聚矣。西里亞曰：初

無離析何云。更聚語次。以戒指示余曰。吾曾言。初無慘局。但有樂境。非耶。語已。微笑。余則抱之懷中。西里亞曰。汝爲我保護之人。胡爲越禮而撻我。余曰。此尙非禮乎。則又屢親其吻。此時極樂。竟忘身在樊籠。未出險也。及聞威而森叩門。以車至。威而森曰。久候主人弗出。因而叩扉。余哂曰。適有所事。因誤時刻。西里亞望余曰。汝事了。未余曰。此何如事。遽言能了。來日方長耳。語已。皆笑。方欲登車時。西里亞曰。今我安適。余曰。策尙未定。然必至倫敦。惟從何道歸英。尙未定也。女曰。吾一物未備。奈何。余曰。易耳。女曰。胡不先至姊氏家小住。余曰。與姊丈有微隙。且又仕於公朝。若告之宰相。言爾在是。不又生一波耶。願不至姊家。亦無可駐足之地。汝能否。簡約其裝。俟出此國門後。更圖之。女曰。果居姊家而遇難。不如終身無衣之爲得。余曰。行也。遂鞭馬力驅而前。可一二英里。復問司登以何道爲捷徑。司登曰。最近之邊界。計程可三十五里。惟山路犖確。夜行非便。其次可七十餘里。路亦曲折。不良於行。最近之火車站。可八英里。明日侵晨。方始展輪。余聞言。焦悚已極。知夜

中必不能行。司登曰：不如入都，藏密斯西里亞於吾家，必無恙。吾家固小，然較諸巨家中，爲平穩少禍。且吾妻得貴客戾止，喜慰無極。女曰：可如約而行。余曰：返邇非便，不如趣行。口願如是，心中則思夜行道中，不審明日能否出境。女見余憂煩，卽曰：以我之故，乃累爾煩懣。至是，余曰：克魯登司達爲我畏途，良不欲往。司登曰：入京防捕耶？然捕者偵人，恆於遠地在邇轉，適不足深憂。故在道不如在城。余曰：行矣。然道中仍戚戚。西里亞則譏余過計，迨旣出堡門，精神陡長。余見狀亦慰。西里亞曰：吾聞長老言，凡人行樂有同中酒，初尙不爾，今滋知之矣。轉覺身經百折，離而復聚，味乃大佳。余尙問以君夫人如何見待，及子爵陡變宗旨，女皆不言。余爲之歸度，後來事女亦不願更聞。但曰：現在之樂最有滋味，未來與過去者何屑經眼。卽汝所言爲事，正長濡以時日，無不可悉者。胡促促爲吾思。此時樂境，人生又能得幾回者。及見京城燈火，女始寂然言曰：能於道行久久，中心亦樂。今見都門，吾轉不懌。司登告余曰：當以他道入城，勿近屢市。將近司登家，司登曰：不如步

歸。勿以車馬駭人耳目。且囑余曰。君仍歸寓。勿蒞吾家。余乃令威而森送西里亞後。更來就余。乃謂西里亞曰。今日歸後。以遲明行。且告吾姊。至司登家視爾。余仍以車行歸寓。余垂及客寓。時忽晤吾已易名爲白立司。非司丹火迫。竟忘語威而森。威而森果來問余者。謂非自覺苦惱。則思立候門外。以免其問。乃入室易衣。取雪茄煙將遲之門外。剛出門時。卽聞一人聲。視之。卽門巴克所遇之巡捕。彼與二人坐談。幸以背向我。未之見也。余大驚疾出。尙疑躡尋至是。又思或偶然得之。顧凝立門外。安知不爲所得。則思登樓避之。而又防威而森之不相值。計威而森至而問名。不甯險耶。顧在他國之中。巡警捉人。初非草草。但此公國中。仍緣古封建之習。專制已甚。欲捉則竟捉。無如何也。然今日事已垂成。果爲所得。又將如何。忽見此巡警復起立。合數人至於門次。余防爲所見。立趣隔鄰避之。而威而森已至。問櫃上以余前此之僞名曰。司丹火迫在乎。聞店人曰。吾肆中無此人。威而森曰。吾主人也。命我至此耳。主人曰。或未至也。此巡警卽入口。是人吾知之。是居宋恩。

店中威而森視其人。見非相識之人。卽曰。君爲何氏。巡警曰。吾遇之門巴克中。且約我同至京城。是人大有趣。願碩而美風儀。是爲英國旅行者。威而森識機。卽大笑曰。誤也。吾主人瘦小而蹩。且麻與足。下言乃大相反。今日以電言。將以火車來。居是間。今旣不值。或少須來也。吾今與君共酌可乎。遂呼酒。余聞言大悅。自念妄言。吾固不悅。然此策良佳。將賜爾以五鎊之金。主人聞威而森言。進曰。尊主人轉瞬且來。可否爲客掃除一舍奉候。威而森曰。吾主人行蹤無定。苟別得一善地。儘可以書招我往侍。吾飲此酒後。將赴火車候之。飲已。付其值。卽引此巡警同出。余見其行遠。卽入。僞爲自外遺歸。飯已。登樓而息。亦知威而森已有備。決不更至。遂放膽而臥。心中但期天明。至司登家。以明日渡海赴倫敦。願余心果於自信。竟置此巡警於度外。方余濃睡。而巡警已密布羅網。以討郡主也。

第二十六章

余遲明起。以爲立將出境。神思頓旺。惟威而森弗至。則悉束其行裝。下樓就飯。私

計不與西里亞同行。免人蹤跡。吾後。午後有第二次火車。余擬令司登及威而森輔郡主先行。另及一車站候余。余則以第三次火車往遇之。計定。且出飯。已而姊氏至。問余以西里亞之消息。又問司登昨日兩次造門。究何事者。余遂以西里亞事告姊氏。姊爲余稱賀。且思見西里亞。余本欲以姊氏面郡主。惟行色匆匆。不欲以此自誤。程途。因曰。愛立斯。汝勿面之。可也。防爾一至。司登之家。將生人疑。駭。不。如。至。倫。敦。後。姊。歸。甯。爲。骨。肉。團。聚。不。其。得。耶。姊。氏。曰。卽。至。司。登。之。家。人。必。不。疑。以。司。登。女。恆。爲。我。治。針。繡。造。之。無。傷。也。余。曰。姊。用。意。良。佳。惟。爲。平。安。計。尙。宜。少。出。爲。當。卽。西。里。亞。何。嘗。不。願。見。姊。者。且。吾。昨。日。方。得。西。里。亞。固。甚。願。姊。之。臨。視。也。姊。曰。汝。幸。不。至。召。吾。爲。佳。吾。意。固。善。惟。句。余。曰。何。也。姊。曰。惟。姊。丈。之。意。或。不。爾。爾。汝。終。以。不。召。我。爲。佳。余。哂。曰。卽。姊。丈。何。嘗。非。善。意。明。日。婚。禮。告。成。尙。欲。至。此。陳。謝。姊。氏。色。變。曰。爾。姊。丈。在。官。言。官。亦。自。盡。其。分。而。已。復。改。口。曰。惟。吾。甚。欲。面。西。里。亞。也。遂。起。欲。行。意。甚。怏。怏。此。時。姊。丈。忽。闖。然。入。見。姊。氏。及。余。同。坐。則。僞。爲。駭。怪。之。狀。然。不。

能出之自然。余始大疑。姊丈曰：司丹列寶星。吾乃不知爾尙在是間。愛立斯胡不見告。卽進與余引手。余以善狀報之。坐談可數分鐘。姊丈言今日至此。固與人商買馬事。今汝且勿行。可惠臨吾家。余曰：今日必至君家午餐。姊丈留坐可一旬鐘。力以閒語支吾久之。遂與愛立斯同行。余思今日之來決非邂逅。然何爲而來。則不之料。迨旣行。余遂赴司登家。西里亞已早起。見余甚樂。司登女亦侍西里亞坐。見余入門。一笑遂匿。西里亞以兩手加余手。言曰：保護之。丈人吾爲爾道。晨安。余亦戲稱曰：受保護之女。耶。吾酬汝矣。言已而笑。顧西里亞謂余此笑。不本自然。則凝目視余曰：詎更有變故耶。余曰：無之。則抱而親其吻。西里亞曰：吾已百凡俱備。專爲候爾同行。昨夕司登夫婦方畧單。計道中所宜用者。凌晨辦擋都備。待吾飯已卽行。余曰：令司登安在。女曰：司登安得閒。長日皆有所爲。惟汝入時。面有憂色。適爲何事。趣見告。余曰：事近莫須有。遂告以昨日巡警及晨來姊丈造訪事。一一告之。特此二事初不爲異。或吾多疑所致。亦正難言。遂商略道中事。而司登已歸。

余遂囑以衛西里亞先行。並曰：汝見威而森乎？遂自陳昨夕未語以改名之故。並遇巡警事。且詢司登以曾否有礙。司登聞言。顏色頓異。言曰：所遇之巡警。請言其狀。余遂曲狀其人態度。及其年齡。司登曰：司丹列寶星聽之。吾非惶惑之談。斯人我固識之。至臬猶能探隱。今晨方與尊姊丈作密語。余大駭。知吾姊丈之非善意。因曰：汝以何時見此二人。司登曰：即同吾妻晨起購物時見之。即威而森我亦未晤。以此觀之。事屬危殆。寶星所遇之巡警曰：格洛白拉。想彼至宋恩訪君。尤知尊紀之名。及在客寓聞尊紀稱君舊名。稍一詢問。當即明了。且灼知君爲司丹列寶星矣。且霍司曼爲君親戚。國人知之。必先至霍家。問君蹤跡及狀態如何。故僞以姊丈覓君行跡。以證其實。余曰：然則險甚矣。惟此去無人偵我。我亦不更歸寓矣。司登曰：若以鄙人爲包探者。萬不尾君。人人咸知鄙人爲君贊助。且兩至霍家。而吾爲君借馬。又爲人知。但得我君又焉往。須知昨夜一夕之間。人人已皆布網羅而待我。西里亞聞言而顫。微息不已。司登曰：且勿灰心。尙足以計自脫。格洛白

拉雖慧黠。不必有神鬼之智。君之所憂者。在女郎之不能出境。君則何憂。余曰。然。司登曰。君趣以書告家人。如期至一處。奉迎女郎。君決不可同行。吾以山妻送女郎。西利亞見余不能同行。則憂形於色。余曰。權也不時。即見汝矣。司登曰。既如是。不可久稽。匆促之間。不能遽至。取人。彼人好名。必於垂危之時。出辣手以示其長。蓋專候君二人同行時。進而撲之。用顯其奇。今尊紀弗來。似已落其手。彼謂君在客邊。他無人助。助汝者惟我一人。惟實未嘗遂疑吾妻。我今特至。火車探問。令彼注意。汝既允姊丈同飯。恣往。示未動身。一面令吾妻及女郎。僞爲村姑。村婦以笨車出。他道登火車。行。余曰。此著佳也。西利亞不悅曰。彼捉汝者如何。司登曰。彼得寶星。何用法。惟驅之出境。他又何有。西利亞曰。我既僞村姑。彼不可僞村人。耶二人同行。爲得司登曰。此何可者。設非寶星。故外出。以示整暇。女郎又胡以自脫。寶星。趣作電稿。密斯急易裝。吾令吾妻變服。送爾上道。西利亞聞將小別。則憂形於色。尚問余曰。非是莫如何乎。余曰。但有此法。吾惟失計。忘囑威而森。致有此失。且

汝得毋疑。司登夫婦僞乎。女曰。彼尙真心。惟我意必欲從汝。爲得。即使吾政府得。我亦不能強我。以蒞位。余曰。汝生小於英國中。尙未省此間之專制。非到英國風。波初未已也。今我以電請佛羅拉及姑母逐爾。乃署稿作迫切之言。女曰。我行後。汝爲人得。則我又如何。余曰。否。萬不至是。此時司登入。其妻亦警快。咄嗟立辦。司登曰。吾妻已守候矣。請女郎易衣而出。西里亞既出。余以厚資予司登。且曰。尊眷行後。果平安無恙。能否以一書告我。時西里亞已變服爲村姑。攜篋於手。言曰。姑氏方候我。我行乎。余曰。上帝賜福。沿路平安。遂進抱之曰。相隔無復幾時。行相見矣。西里亞曰。咫尺中殊難耐。則勉爲笑容曰。司丹列珍重。遂出。司登謂余曰。吾啟後。戶寶星仍以面內。僞與吾言。以示整暇。西里亞行。余竟不能送。但僞言僞笑。以欺探者。然中心焦煩。不可狀矣。

第二十七章

二人去後。余亦歸寓。既至。則見格格落白拉仍坐原處。余乃不畏其人。行過其次。彼

亦不留意於余。則亦莫審其真僞之意。余告肆主趣署帳。言吾今夕且行。言已登樓而去。惟余匆匆束裝。遺其手巾於几上。巾角顯有余名。願余在西里亞。旣行以後。則亦無懼。余旣與主人清帳後。則仍開行市上。以待格格落白拉進擒余身。天下人之懼與不懼。專在方寸。前此之畏懼。似人人皆吾仇敵。今茲但欲身爲人得。可以立時過返。余行經鬧市。亦無人識。旣至姊家。姊丈見余。則大異。彼以爲吾得得而行。乃不料余公然踐其成約。然尙僞爲鎮定。願乃不能。則格格言曰。佳句極句。佳句極句。汝來矣。余曰。旣允足下。胡能不來。姊丈曰。是句也。句我方俟爾。爾或不卽行乎。余曰。今夕決行。姊丈曰。至倫敦乎。此時姊氏亦入言曰。司丹列。汝胡爲乎。來吾夢寐亦不之料。吾心滋悅。見彼夫婦駭異。卽曰。汝以爲吾已爲巡警所得下獄矣。姊丈愕然。卽曰。此何如說。汝又何爲下獄。余曰。汝見馬主乎。姊氏色變。姊丈曰。司丹列何言。我乃弗審。余曰。汝非與格格落白拉買馬耶。大抵早晨足下已與格格落白拉商量繫馬。且細審其果爲此馬否。余得意而言。而姊丈怒而口吃。但曰。我

終不領悟言中之意。余曰：格落白拉警察非耶。昨夜已與足下晤面熟商久矣。此馬曾否名白立斯。姊丈大怒曰：汝戲我耶。余曰：汝焉足戲。我亦不願戲汝。惟我善知馬肉滋味。汝所欲之馬肉酸也。乃對吾姊曰：今日天氣滋佳。若我見捉入官。想在監中。或不能見此天日。姊丈此時作德語大誓而出。余亦不飯。姊氏色已大赧。與姊氏爲別而出。視表知西里亞已出境矣。可至米林與吾姊妹相見。回寓飲食。心滋泰然。思今日見捉。吾亦可歸。若無事者。亦優悠出此國門。初意此事滋難。今乃坦蕩無所隔闕。此時傭保引格落白拉入而問余曰：能否容吾一坐。巡警爲足恭狀。余亦從容出香檳飲之。稱爲格落白拉先生。巡警曰：吾曾與足下相見於門。巴克。余曰：是日負約。殊不自聊。正以有事匆匆入寓。幸勿見罪。格落白拉曰：當日相逢。尊姓似爲司丹火迫。余曰：或余誤。或先生誤也。我爲司丹列米里迭司。巡警曰：足下在此何名。余曰：是蓋爲旅行暫用是名。實相告。弟爲有爵之人。不欲人知。故於旅行易以是名較適。若於公事上。故不能不用其真名。足下亦公家人。不敢

奉欺。我實爲寶星。司丹列米里迭斯也。巡警見狀亦笑曰。改名易姓。不盡旅行。或爲年少美人。亦不能不如是。我在門巴克時。即欲得寶星而已。非有他故。余曰。汝胡不早言。巡警曰。今茲有人以信與足下。請坦白以告。余曰。恣言之。巡警曰。今奉宰相之命。請君同往。余曰。貴國相公滋佳。我已見之。請更進一杯。遂曰。君不飲耶。請同行。惟吾行後。何時可歸。當告之。店人巡警亦曰。此何能定。余即隨出。門外有車駐候。在車中尙與談風物。少須至相府矣。余知公國決不能加我以罪。但有驅余出境。故凜然無懼。宰相似已知余至。即呼傳見余。格落白拉即居於複室。候進止。相臣見余言曰。司丹列寶星殊累老夫。余曰。相公聽之。僕乃無可如何。相國曰。老夫觀君似一無所懼。惟別後何作。能否見示。余曰。鄙人所爲事。相國乃不知乎。詎無偵者告相國。何爲命我喋喋。相國曰。汝不言乎。余曰。吾本欲示相國以狀。惟當以書奉白。則事狀較詳。宰相曰。然則足下思歸矣。余曰。本以今日至英倫。今蒙寵召。則聽相公鈞命。宰相曰。君以爲老夫沮君行期耶。余曰。難必無之。宰相曰。今

茲欲行前此胡乃不行。宗旨之變。幸告老夫。余曰。家中有重事。必須一歸。宰相曰。君自少亦學外交乎。余曰。自少無是學問。若果精外交。則狡獪當甚於此。宰相曰。果行亦不挽留。惟乞足下允我一事。期年之內。勿至敵邑可乎。余思欲竟答之。然視宰相之目。則斜睨我。意必有詐。卽曰。相公胡爲有是語。似鄙人有不自之事。故斥我不令自由。宰相曰。非也。何敢嗤鄙足下。惟足下之來我國。乃棼如亂絲。惟願弗至敵邑。或得審謐。余曰。鄙人初與貴國無涉。固可不至。惟必以威脅我。或偶來亦正未定。宰相曰。所求無多。初非難題。亦以寶星爲摺紳中人。果能以名譽爲證。決然不來。則省敵邑偵探之人。布於境內。此亦何不可許者。余曰。吾乃不審何以必令鄙人有是允詞。宰相曰。足下太倔强矣。果不吾允。亦與吾事無所牽涉。然則今日果行乎。余曰。初意欲行。宰相曰。君言初意。然則又變調矣。余曰。非也。尙欲以晚中行。宰相曰。直至倫敦耶。或但至米林少駐。余愕然曰。恣我所爲。宰相曰。老夫之言米林者。以有一電報未嘗直達故爾。因出電置之几上。余見電報心如刀。

刑。竟。不。能。答。心。戰。不。已。此。時。宰。相。他。顧。聽。余。自。容。此。遭。爲。余。生。平。第。一。失。敗。事。矣。宰。相。曰。寶。星。司。丹。列。本。不。令。足。下。知。之。聽。君。行。後。更。以。書。與。足。下。余。曰。請。相。國。以。實。情。告。我。應。何。事。宰。相。曰。老。夫。得。信。知。郡。主。又。在。君。手。中。故。時。時。以。人。監。君。行。事。至。司。登。家。中。後。後。乃。不。難。至。此。電。文。乃。得。之。郡。主。衣。裳。中。余。曰。西。里。亞。今。安。在。宰。相。曰。甚。平。安。已。有。人。監。之。餘。言。不。能。更。述。余。曰。然。則。招。我。至。此。將。加。以。何。刑。宰。相。曰。行。矣。無。他。言。留。此。於。君。無。益。適。足。爲。郡。主。無。窮。之。害。然。足。下。得。郡。主。於。子。爵。之。手。不。爲。無。勞。今。郡。主。既。落。吾。手。足。下。行。動。可。以。不。復。注。意。矣。但。乞。早。行。爲。得。余。曰。然。則。行。矣。宰。相。曰。可。請。足。下。允。我。不。來。足。矣。

第二十八章

余。出。自。宰。相。家。萬。念。皆。灰。迨。少。睡。精。神。始。來。復。然。自。此。日。以。來。則。遷。入。絕。大。之。逆。旅。仍。用。己。名。老。僕。威。而。森。亦。歸。巡。警。以。爲。囚。之。無。濟。亦。縱。之。歸。余。是。日。仍。尋。司。登。司。登。遂。告。余。以。事。敗。之。故。其。先。尙。欲。囚。其。妻。後。乃。大。加。申。斥。而。免。然。司。登。尙。欲。極。

力助余。余知司登名在丹書。卽見助未必有力。念其前勞。則予以厚酬。無吝。臨行時。尙語司登。此時之敗。實緣自誤。卽自誤之故。亦有二因。誤在極微。所失滋大。第一着。忘示僞名於吾僕。致生格落。白拉之疑。第二着。夫人及西里亞出時。不慎。復爲邏者所迹。余閒居鞅鞅。遂至西偏徜徉於海濱。又念胡能以宰相之言。遂舍西里亞而去。今非西里亞棄我之言。我亦決不棄西里亞。是日遂作短箋。上宰相。言將仍居於此。不卽行也。但有一着。能使郡主自言。不以舊約爲踐者。我行矣。書去後。中心略平。謂西里亞不歸。吾幸尙不歸。子爵此亦可以慰情者。尤知西里亞立志至堅。萬不能因人言而中變。余當靜候其事。果公爵怒而屏斥之者。則婚約尙可踐也。今旣無可下手。則廣其交遊。意於搢紳間。採取迹兆。此時尙至姊家。與姊氏夫婦言和。自承其失。且言將少駐是間數日。實則舍嚴攻而作長圍。成功雖緩。然勢尙可圖。至於第四日。忽見司吉瓦子至。而訪余。是日余適歸自外。館人言有人造謠。不署姓名。余意令威而森見之。顧又他出。余乃令入面之。則司吉瓦子也。

言曰。主人。吾之不敢以真姓名告者。防主人見拒。今日之來。特有要語。非自陳莫可。余曰。汝背主行竊。焉有佳語。吾又何辭答爾者。行矣。行矣。若待吾怒。汝焉有幸。司吉瓦子防余掎擊。卽瑟縮言曰。彼中尙有密謀。不敢不告。余曰。但汝密謀陷我。爲事已足。想無更酷於前策者。可勿告。司吉瓦子曰。此事殊係屬於密斯西里亞。及密斯加德林者。主人試思。子爵胡爲以密斯西里亞還主人者。予聞言頗動。然矯爲鎮定。仍曰。汝平日好妄語。吾焉能信。仍速行爲得。司吉瓦子見余堅定。則徬徨不自。唧言曰。今日仍僞言鬼神。鑿我此事。大係屬於密斯西里亞。主人不出部署。爲害滋大。則微言曰。密斯西里亞。非郡主眞爲郡主者。則密斯加德林也。此事爲子爵所知。故還密斯西里亞於主人。令趣出國門。事至於此。將如何者。余曰。汝狂易發乎。此何如語。而顛倒至是。且此事確耶。司吉瓦子曰。乞主人容我。賜我少坐。余見司吉瓦子如秋葉搖風。知其顛也。則掣鈴呼傭保。取香檳酒斟而予之。曰。汝飲此甯其神思。更一一告我。司吉瓦子曰。此事初不了了。惟見其舉動甚異。於

昨日始得其朕兆。既得確耗。故潛逃以告主人。余曰。趣言其所得之實證。司吉子。遂言其事。事迹之離奇。乃爲余聞所未聞。先是包爾根男爵夫人有女僕曰巴爾。曾事公夫人於宮中。方郡主生時。卽授此女僕。而巴爾有姊氏。已前在包爾根夫人家。夫人亦適生一女。然郡主生時。外間謠詠謂此郡主爲外人所生。勢將不利於郡主。巴爾姊妹密議。卽以爵夫人之女。易郡主。幸皆新育。眉目不大可辨。巴爾姊妹不言。衆亦無知之者。巴爾既救郡主。遂舍公夫人而投身於男爵夫人。侍此郡主。自少及壯。尙留夫人之家。隱事特彼一人知之。及僞郡主爲余季父所攜而遞。衆皆云郡主已盡於大公之手。此事一播。巴爾愈不敢言。防言之適以取禍。且不利於真郡主。加德林迨及傳播。以僞郡主爲真。於是巴爾始大悔恨。乃一一自供。以其人愛加德林。防以僞奪真。致加德林淪沒而不克振於世。當余聞言時。卽叩司吉瓦子。以是否屬實。司吉瓦子曰。子爵已詳究是事前後。決無疑矣。巴爾蓋預料後來變局。則悉藏其據。卽其姊氏亦存。可以取證。余聞言大駭。果此事稿。

者。則公國亦何愛於西里亞。余之姻緣。不仍續乎。然此事司吉瓦子何爲不告之。政府而獨告余。司吉瓦子曰。子爵又有陰謀矣。今欲宣布於衆。曰。密司加德林。卽當時託吾老主人之女。郎成禮以後。始令巴爾言之。則木已成舟。公然得郡主爲妻。亦可因之以圖寶位。今毋論密斯西里亞爲真與否。然終不聽其彼此易位。乃謂吾老主人之受託者。卽密斯加德林也。余曰。密斯西里亞已落宰相之手。如何能出。司吉瓦子曰。子爵固不之知。以爲主人歸國矣。余曰。吾今將以術令其成功。今引汝面宰相。汝可以是語語相公。遂以車至相府。刺入宰相不見。遺書記拒余。曰。有事務以書來。或質語下官。爲君轉達。余曰。書之。遂書於名紙之下。曰。今日之來。宗旨已變。決不更圖。仰攀娶郡主矣。書入。卽傳語。逐客。宰相逐余甚恭。斗然見司吉瓦子。則愕然。如有所疑。言曰。適見尊書。老夫至悅。必如是者。始成丈夫。余曰。相公幸勿誤會。吾意鄙人且不言。令來人言之。宰相以余爲賴前言。卽曰。此君手書非耶。余曰。然。惟其中事迹。乃翻覆。非人所料。遂言司吉瓦子來歷。後始令司吉

瓦子發吻告宰相。司吉瓦子言時。宰相傾耳以聽。語已。哂曰。寶星之尊紀怪甚。余見宰相疑而弗信。卽曰。相公勿疑此爲季父舊僕。隱事匪不知者。季父見背。遂入鄙人之家。以西里亞乃仇鄙人。自降於子爵一黨。當西里亞夜中爲人取出。卽爲此奴。自是以來。直輔吾仇。卽今日之言。不特相國弗信。鄙人又焉能信。幸相國勿以我爲詭謀。宰相仍曰。吾決不之信。余曰。相國不信。直也。然胡不以一人少探其迹。宰相曰。此事焉待探探之。卽爲多事。余曰。然則相國以我爲招之使來矣。宰相曰。老夫亦不君疑。但置之不理足矣。余曰。相公能否以此事告之幽囚之女。指西里亞宰相曰。我乃弗知其人。若指郡主者。老夫尤不能以此無稽之談上瀆貴人。余怒曰。相國胡能以一人之威。遏抑一切人言。恐不能遽蔽也。宰相曰。寶星太無謂。老夫閣務殷煩。胡能與人謀語。余曰。我必有術。令西里亞知之。君固相國以私意決大事。何名相臣疑事不疑。剛復自用。相公亦無此權力。我將訟之。栢林政府宰相不答。掣鈴呼侍者。駕吾車。語後。與余爲別。言曰。不久當以消息報君。闖然遽入。

似逐我也。

第二十九章

余憤憤而出。知宰相最後之言。決見逐無疑。即使逐我。我決與之鬪。然頗怪宰相之冒決。既而思之。舍是亦無他術。蓋身爲宰相。果以吾言而動。則大事愈。琴如亂絲。愈不可理矣。余尤知宰相言雖如是。然亦不能置之不察。余計第一著。赴柏林。訟。又徧登報章。令彼不能隱祕。惟此爲後圖。宣暴亦必不利於西里亞。因而暫祕不言。既歸。則有書自姊氏家來。則西里亞手書也。其語甚長。先語余以道中爲人所規。引歸一廣廈。聞卽相臣之居。相國夫人見待甚優。而女公子尤契我。以女公子聞彼父母所言。似知吾身世。而女公子與令姊親密。故能爲我傳書。吾居此時。百凡皆如意。惟此老夫婦時來。敦勸令割愛情。而徇大義。君試思此事如何從者。今日作書之前。亦與宰相一面相國。忽言如更延閣者。事或中變。以吾思之。宮中必將有大事。不爾相國胡有是言。吾因迴叩相國。謂相公會否。以吾願嫁司丹列。

之故。上塵君聽。相國聞言而異。言曰。郡主之意。老臣乃弗審。吾曰。相公意欲降伏吾意。乃敢面君。相國聞言。猶之不聞。但以目視。燭火。即命夫人侍我。恩恩而去。書末又云。果有覆信。即可由姊氏轉達。女公子見示。余讀書後。自度大公果不知西里亞。落相臣之手。則於吾事爲大有濟。子爵之陰謀。必急急以加德林播之於國。吾今當趣其成。乃作書令威而森上之宰相。言將自往覲大公。能否承西里亞爲儲貳。且語威而森。非面報宰相不可。或予書記。他人則萬萬勿與。余既發書。則四出探大公消息。乃嚴密不一洩。明日宰相忽以書來。令余往面。余測爲佳消息矣。或且宰相力不能至。欲求助於余。即命車往宰相府中。宰相曰。寶星昨日來書。欲面寡君。事近威劫。余曰。以相公威棧。加諸客子之身。懷誠莫違。故必上愬公廷。且賤子初不知西里亞之爲郡主。但知爲聘妻。竟爲相公。取我意。奚甘。今相公藏此女於何地。吾必以術得之。宰相曰。近在老夫私第。余大怒曰。然則相公尤誤。以吾聘妻言。則相公何爲藏之府中。即云。郡主亦宜納諸宮中。以私第藏闔儲君。此

意。胡。能。自。白。宰。相。曰。足。下。曾。否。與。老。夫。爲。難。果。如。卿。意。悔。且。隨。之。今。君。欲。控。之。柏。林。固。欲。害。我。不。知。正。所。以。害。君。保。護。之。人。今。日。之。延。君。非。苟。然。也。請。以。衷。悃。白。君。切。勿。鹵。莽。自。敗。爲。是。洵。洵。者。第。一。著。子。爵。已。娶。加。德。林。炫。之。於。人。以。爲。郡。主。公。夫。人。亦。極。力。助。之。顧。乃。未。言。調。換。之。事。君。欲。張。大。其。言。則。成。妄。語。用。自。取。厲。第。二。節。君。亦。知。包。爾。根。夫。人。爲。何。人。者。加。德。林。前。右。外。夫。已。生。子。矣。夫。人。取。而。殺。之。以。此。之。故。遂。獄。夫。人。夫。人。竟。逃。獄。遜。而。公。夫。人。亦。已。幽。之。宮。中。子。爵。諸。人。亦。嚴。加。編。管。今。足。下。欲。仍。仰。前。說。則。但。有。刑。上。大。夫。矣。果。足。下。能。助。我。力。挽。郡。主。之。心。使。歸。儲。貳。則。老。夫。感。且。不。朽。語。至。此。西。里。亞。推。門。徑。入。宰。相。立。變。其。說。言。曰。郡。主。此。來。太。驟。特。未。爲。老。臣。計。西。里。亞。曰。我。非。冒。昧。以。司。丹。列。在。此。我。固。應。面。其。人。余。此。時。至。欲。見。西。里。亞。然。適。來。宰。相。之。語。亦。甚。不。欲。西。里。亞。聞。之。宰。相。曰。老。臣。適。與。司。丹。列。寶。星。言。郡。主。事。外。間。謠。言。均。屬。子。虛。今。儲。君。不。能。承。祧。老。臣。亦。欲。挽。司。丹。列。寶。星。婉。勸。郡。主。歸。朝。柄。政。西。里。亞。曰。但。得。司。丹。列。如。何。語。者。吾。卽。遵。率。而。行。余。此。時。

知不能更徇西里亞之意亦勉如宰相之言以全西里亞卽曰相公言然西里亞大愕搖其戒指曰然則句余曰郡主宜就大公西里亞欲量力扶榻背言曰司丹列得母中於相國之言余遂不能堪言曰吾細審人言知郡主無第二著可下但有此著可以生全西里亞曰吾果入嗣寶位於前約能否如故宰相曰位分不同無可爲力西里亞曰司丹列汝以爲如何者余無言曰適與相公商酌嗣儲之意與相公合至下此如何相公及我皆不能決但有俟公命耳此時書記忽狂奔而入顏色慘變言曰宮中人至言大公薨矣合座大駭書記曰來人言心痛而死宰相竟忘余在其室恩惠遽出

第三十章

明日柏林已以大臣至靖國中之亂大臣以無大公之命不以西里亞爲儲副竟延余入面言曰此事殊模糊寡君謂仍以世子爲嗣以人輔政郡主事迹敝邑不以爲可郡主留此將生人疑不如足下攜之歸國足下果以何時歸者余曰鄙人

久歷江湖。今夕卽行亦可。大臣曰。爲時太促。余曰。爲貴國計。不能不效微効。大臣曰。吾聞郡主甚才美。余曰。然。德性滋佳。及鄙人女弟。尤契重如骨肉。大臣曰。然則賢妹亦殊有福。今足下果以今日行乎。余曰。然。今西里亞仍在宰相之第。何由能出。大臣曰。足下先歸。吾將以人送郡主。及於尊寓。於是晚中趁車出國。明日已渡海。六禮拜後。余及西里亞入鄉中成禮。